



02052

玉堂才調集

陽延福三十八首

沈徐期一首

蘇頌一首

賈宗至一首

岑鳳參一首

獨孤及一首

錢起一首

李嘉祐一首

皇甫冉一首

玉堂才調集

盧綸一首

李益一首

戎昱一首

王雁建一首

令狐楚一首

柳宗元一首

張籍一首

白居易一首

玉堂才調集

張肅遠一首

張說一首

梁錫一首

孟浩然一首

李頎一首

杜甫一首

秦系一首

韓翃一首

韋渠牟一首

司空曙一首

張南史一首

戴叔倫一首

劉禹錫一首

牟士諤一首

楊巨源一首

元稹一首

張祐一首

崔涯一首

姚合一首



章孝標 一首

周公賀 一首

李商隱 四首

杜牧 三首

趙嘏 一首

薛能 一首

項斯 一首

司馬禮 一首

方干 一首

唐彥謙 三首

玉堂才調集

皮日休 十二首

李洞 三首

李昭象 一首

李山甫 一首

吳融 三首

劉兼 三首

韋莊 十首

羅隱 五首

司空圖 一首

徐振 一首

朱慶餘 一首

牟融 一首

溫庭筠 三首

許渾 十三首

薛逢 三首

劉滄 五首

來鵬 一首

李鄴 一首

翁綬 一首

沈彬 二首

陸龜蒙 十一首

曹唐 一首

鄭谷 八首

杜荀鶴 五首

韓偓 七首

李中 七首

秦韜玉 一首

羅鄴 三首

譚用之 一首

徐寅 二首

李建勳一首

張泌一首

伍喬一首

胡宿一首

皎然一首

清江一首

墨域一首

玉堂才調集

蘇軾一首

劉焘一首

許高一首

李益一首

蘇軾一首

許高一首

蘇軾一首

玉堂才調集

陽

古意

沈佺期

盧家少婦鬱金堂
海燕雙棲玳瑁梁
九月寒砧催木葉
十年征戍憶遼陽
白狼河北音書斷
丹鳳城南秋夜長
誰謂含愁獨不見
更教明月照流黃

奉和春日出苑遊

張說

禁林艷裔發青陽
春望逍遙出畫堂
雨洗亭臯千畝綠
風吹梅李一園香
鶴飛不去隨清管
魚躍翻來入綵航
睿賞歡承天保定
道交更覩日重光

玉堂才調集

舞馬千秋萬歲樂府記

金天誕聖千秋節
玉醴還分萬壽觴
試聽紫駟歌樂府
何如驟驥舞華岡
連騫勢出魚龍變
躩蹀騎生鳥獸行
歲歲相傳指樹日
翩翩來伴慶雲翔

春晚紫薇省直寄內

蘇頌

直省清華接建章
向來無事日猶長
花間燕子棲鳩鶻
竹下鷓鴣繞鳳凰
內史通霄承紫誥
中人落晚愛紅粧
別離不慣無窮憶
莫誤卿卿學太常

代征人妻喜夫還

梁銍

征夫走馬發漁陽
少婦含嬌開洞房
千日廢臺還挂鏡

數年塵面再新粧春風喜出今朝戶明月虛眠昨夜牀
莫道幽閨音信隔還衣總是舊時香

早朝大明宮呈兩省僚友

賈至

銀燭朝天紫陌長禁城春色曉蒼蒼千條弱柳垂青鎖
百轉流鶯繞建章劍佩聲隨玉墀步衣冠身惹御爐香
共沐恩波鳳池上朝朝染翰侍君王

登萬歲樓

孟浩然

萬歲樓頭望故鄉獨令鄉思更茫茫天寒鴈度堪垂淚
月落猿啼欲斷腸曲引故堤臨凍浦斜分遠岸近枯楊
今朝偶見同袍友却喜家書寄八行

玉堂才調集

秋夕讀書幽興獻兵部李侍郎

岑參

年紀蹉跎四十強自憐頭白始為郎雨滋苔蘚侵苔綠
秋颯梧桐覆井黃驚蟬也解求高樹旅鴈還應厭後行
覽卷試穿鄰舍壁明燈何惜借餘光

送司勳盧員外

李頎

流澌臘月下河陽草色新年發建章秦地立春傳太史
漢宮題柱憶仙郎歸鴻欲度千門雪侍女新添五夜香
早晚薦雄文似者故人今已賦長楊

寄綦毋三

綦毋潛山陰壽縣尉遷官于洛府作此寄之

新加天邑綬仍黃近與單車向雒陽顧盼一過丞相府

風流三接令公香南川粳稻花侵縣西嶺雲霞色滿堂
共道進賢蒙上賞看君幾歲作臺郎

同韻同皇甫侍御齋中春望見示之作 獨孤及

望遠思歸心易傷況將衰髮偶年光時攀芳樹愁花盡
晝掩高齋厭日長甘比流波辭舊浦忍看新草徧橫塘
因君贈我江楓咏春思於今未易量

同韻狂夫浪迹地迴轉莫問客國 全白杜全甫

萬里橋西一草堂百花潭水卽滄浪風含翠篠娟娟淨
雨裊紅蕖冉冉香厚祿故人書斷絕恆饑稚子色淒涼
欲填溝壑惟疎放自笑狂夫老更狂

玉堂才調集

聞官軍收河南

三陽

劍外忽傳收薊北初聞涕淚滿衣裳却看妻子愁何在
謾卷詩書喜欲狂白日放歌須縱酒青春作伴好還鄉
卽從巴峽穿巫峽便下襄陽向洛陽

公自在余川
園在東川

因語曲江植雨

城上春雲覆苑牆江亭晚色靜年芳林花着雨鰾脂落
水荇牽風翠帶長龍武新軍淡駐輦芙蓉別殿漫焚香
何時詔此金錢會暫醉佳人錦瑟傍

其節卽事

詩心又

暮春三月巫峽長島晶行雲浮日光雷聲忽送千峯雨

花氣渾如百和香黃鶯過水翻迴去燕子啣泥濕不妨
飛閣捲簾圖畫裏虛無只少對瀟湘

冬至後

冬至至後日初長遠在劍南思洛陽青袍白馬有何意
金谷銅駝非故鄉梅花欲開不自覺棣萼一別永相望
愁極本憑詩遣興詩成吟詠轉淒涼

秋七月一日題終明府水樓

高棟層軒已自涼秋風此日灑衣裳翛然欲下陰山雪
不去非無漢署香絕壁過雲開錦繡疎松隔水奏笙簧
看君宜着王喬履真賜還疑出上方

玉堂才調集

和王員外晴雪早朝

錢起

紫微晴雪帶恩光繞仗偏隨鴛鴦行長信月留寧避曉
宜春花滿不飛香獨看積素疑清禁已覺輕寒讓太陽
題柱盛名兼絕唱風流誰繼漢田郎

避暑納涼

水榭花開畏日長時搖輕扇倚繩牀初晴草蔓緣新筍
頻雨苔衣染舊牆十旬河朔應虛醉八柱天台好納涼
無事始終知靜勝淡垂紗帳詠滄浪

鮑防員外見尋因書情呈贈

秦系

少小爲儒不自強如今懶復見侯王墜鏡已知身漸老

買山將作計偏長
荒涼鳥獸同三逕
撩亂琴書共一牀
猶有郎官來問疾
時人莫道我佯狂

送舍弟

李嘉祐

諸謝偏推永嘉守
三何獨許永曹郎
老兄鄙思難倚仗
令弟清詞堪比量
叠嶂入雲藏古寺
高秋背日轉南湘
定知馬生多新句
早寄袁溪當八行

皇甫冉

題張逸人園林

韓翃

花源一曲映茆堂
清論閒階坐夏陽
塵尾手中毛已脫
蟹螯尊上味初香
春深黃口傳窺樹
雨後青苔散點牆
更道小山宜助賞
呼兒舒箬醉岩房

玉堂才調集

五陽

送齊明府赴東陽

綠絲帆
桂爲檣
過盡淮山楚水長
萬里移家背春穀
守官行府向東陽
風流好愛杯中物
豪蕩仍欺陌上郎
別後心期如在眼
猿聲烟色樹蒼蒼

李補闕

皇甫冉

本年歸客但心傷
三徑無人邑自荒
夕宿靈臺伴烟月
晨趨建禮逐衣裳
偶因麋鹿隨豐草
謬荷鷓鴣借未行
縱有諫書猶未獻
春風拂地日空長

送陶李丞舊居

盛名天下挹餘芳
棄置終身不拜郎
詞藻世傳平子賦

園林人比鄭公鄉門前墜葉浮秋水籬外寒臯帶夕陽
日日青松成古木祇應來者爲心傷

覽外甥盧綸詩因示以此

韋渠牟

衛玠清談性最疆明時獨拜正員郎關心珠玉曾無價
滿手瓊瑤更有光謀略久參花府盛才名常帶粉闈香
終期內殿聯詩句共汝朝天會栢梁

尋賈山人園林

盧綸

竹影朦朧松影長素琴清簟好風涼連春詩會烟花滿
半夜酒醒蘭蕙香五字每將稱玉友一樽曾不顧金囊
長沙流謫君非遠莫遣英名負洛陽

玉堂才調集

宿定陵寺

寺在陵內

古塔荒臺出禁牆磬聲初盡漏聲長雲生紫殿幡花濕
月照青山松柏香禪室夜聞風過竹莫筵朝啓露沾裳
誰悟威靈同寂滅更堪砧杵發昭陽

和玉員外冬夜寓直

天會詩集

高步長裾錦帳郎居然自是漢賢良潘岳敘年因鬢髮
楊雄託諫在文章九天韶樂飄寒月萬戶香塵裊曉霜
坐見重門儼朝騎可憐雲路好翱翔

酬趙少尹戲示諸姪元陽等因以見贈

八龍三虎儼成行瓊樹花開鶴翼張且請同觀舞鶴鴛鴦

何須竟灑食檳榔歸時每愛懷朱橋戲處常聞佩紫囊
謬入阮家逢慶樂竹林因得奉壺觴

題疎上人院

閉門不出白焚香擁褐看山歲月長雨後綠苔生石井
秋來黃葉徧繩牀身閒何處無真性年老曾言隱故鄉
更說本師同學在幾時携手見衡陽

送曲山人歸衡州

白石先生眉髮光已分甜雪飲紅漿衣中半染烟霞氣
謔笑兼和藥草香茅洞玉聲流暗水衡山碧色映朝陽
千年城郭如相問華表峩峩有夜霜

玉堂才調集

同崔邠登鶴雀樓

鶴雀樓西百尺墻汀洲雲樹共茫茫漢家簫鼓空流水
魏國山河半夕陽事去千年猶恨速來來一日卽爲長
風烟并是思歸望遠目非春亦自傷

陸勝宅秋雨中探韻同作

同人永日自相將淡竹閒園偶辟疆已被秋風教憶繪
更聞寒雨勸飛觴歸心莫問三江水旅服從一作徒沾九
日霜醉裏欲尋騎馬路蕭條是處有垂楊

江城秋霽

戎昱

霽後江城風景涼豈堪登眺只堪傷遠天蟬收殘雨

映水鷓鴣近夕陽萬事無成空過日十年多難未還鄉
不知何處銷茲恨轉覺愁隨夜夜長

過賈太傅舊居

戴叔倫

楚鄉悲濕歎殊方鵬賦人非宅已荒漫有長書憂漢室
空將哀些弔沅湘雨餘古井生秋草葉盡疎林見夕陽
過客不須頻太息咸陽宮殿亦淒涼

雨後送宮人入道

王建

休梳叢髻洗紅粧頭戴芙蓉出未央弟子抄將歌遍疊
宮人分散舞衣裳問師初得經中字入靜猶燒內裏香
發願蓬萊見玉母却歸人世施仙方

下堂才調集

八陽

昭應官舍書事

縣在華清宮北面曉看樓殿正相當慶雲出處依時報
御果呈來每度嘗臘月近湯泉不凍夏天臨渭屋多涼
兩衙早被官拘束登閣巡溪亦屬忙

寄楊十二秘書

初移古寺正南方靜是浮山遠是莊人定猶行背街鼓
月高還去打僧房新詩欲寫中朝滿舊卷常抄外國將
閒出天門醉騎馬可憐蓬閣秘書郎

小洲令狐相公寄賀遷拜之什

劉禹錫

道邇三紀重爲郎洛下遙分別宿光不見當關呼早起

曾無侍史與焚香
三花秀色通瓊幌
十字春波遶宅墻
白首青衫誰比數
相公昔曾以大僚分司故有同病相憐只是有梁王

憐之何

寄朗州溫右史曹長

暫別瑤墀鴛鷺行
綵旗雙引到沅湘
城邊流水桃花過
簾外春風杜若香
史筆枉將書紙尾
朝纓不稱濯滄浪
雲臺事業家聲在
徵詔何時出建章

答樂天戲贈

才子聲名白侍郎
風流雖老尚難當
詩情逸似陶彭澤
齋日多如周太常
矻矻將心求淨法
時時偷眼看春光
玉堂才調集
知君技癢思謹讜
欲倩天魔破道場

陽九

巫山神女廟

巫山十二鬱蒼蒼
片石亭亭號女郎
曉霧乍開疑捲幔
山花欲謝似殘妝
星河好夜聞清珮
雲雨歸時帶異香
何事神仙九天上
人間來就楚襄王

送王司馬之陝州

自太常丞授

暫輟清齋出太常
空携詩卷赴甘棠
府公既有朝中舊
司馬應容酒後狂
案牘來時惟署字
風烟入興便成章
兩京大道多遊客
每遇詞人戰一場

贈同年陳長史員外石

明州長史外臺郎憶昔同年翰墨場一自分襟多歲月
相逢滿眼是淒涼推賢有愧韓安國論舊惟存盛孝章
所歎謬遊東閣下看君無計出栖惶

送周使君罷渝州歸郢州別墅

君思郢上吟歸去故自渝南擲郡章野戍岸邊留畫舸
綠蘿陰下到山莊池荷雨後衣香起庭草春深綬帶長
只恐鳴騶催上道不容待得晚菘嘗

送李尚書鎮滑州

南徐報政入文昌東郡須才別建章視草名高同蜀客
擁旄年少勝荀郎黃河一曲當城下緹騎千重照路旁
玉堂才調集

十陽

自古相門還出相如今人望在巖廊

竇朗州見示與澧州元郎中早秋贈作命同答

鄰境諸侯同舍郎芷江蘭浦恨無梁秋風門外旌旗動
曉露庭中橘柚香玉簟微涼宜白晝金笳入暮應清商
騷人昨夜聞啼鳩不歎流年惜衆芳

衢州徐員外使君遺以縞紵兼竹書箱因賦一篇

用答佳贖

爛柯山下舊仙郎列宿來添婺女光遠放歌聲分白紵
知傳家學與青箱水朝滄海何時去蘭在幽林亦自芳
聞說天台有遺愛人將其樹比甘棠

朗州竇員外見示與澧州元郎中郡齋贈答長句

二篇因以繼和

鴛鴦差池出建章
綵旗朱戶蔚相望
新恩共理犬牙地
昨日同含雞舌香
白芷江邊分驛路
山桃蹊外接甘棠
應憐一罷金閨籍
枉渚相逢十度傷

節度宣武酬樂天夢得

令狐楚

蓬萊仙監

樂天

客曹郎

劉爲主客

曾枉高車客
大梁見擁旌旄

治軍旅知親筆
研事文章愁看柳色懸
離恨憶遊花枝
助酒狂催下相逢
肯相寄南金
璫錯玉淒涼

郡中言懷寄西川蕭員外

羊士諤

王堂才調集

陽

功名無力愧勤王
已近終南得草堂
身外盡歸天竺偈
腰間惟有會稽章
何時臘酒逢山客
可惜梅枝亞石牀
歲晚我知仙客意
懸心應在白雲鄉

得盧衡州書因以詩寄

柳宗元

臨蒸且莫歎炎方
爲報秋來鴈幾行
林邑東迴山似戟
牂牁南下水如湯
蒹葭泝瀝含秋霧
橘柚玲瓏透夕陽
非是白蘋洲畔客
還將遠意問瀟湘

登柳州城樓寄漳汀封連四州

城上高樓接大荒
海天愁思正茫茫
驚風亂颭芙蓉水
密雨斜侵薜荔牆
嶺樹重遮千里日
江流曲似九迴腸

共來百越文身地猶自音書滯一鄉

贈張將軍

楊巨源

關西諸將揖容光獨立營門劍有霜知愛魯連歸海上
肯令王翦在頻陽天晴紅幟當山滿日暮清笳入塞長
年少功高人最美漢家壇樹月蒼蒼

送李餘及第後歸蜀

張籍

十年人誦好詩章今日成名出舉場歸去惟將新誥牒
後來爭取舊衣裳山橋曉上蕉花暗水店眠看芋葉黃
鄉里親情相見日一時携酒賀高堂

贈閻少保

玉堂才調集

陽

辭榮戀闕未還鄉修養年多氣力强半俸歸燒伏火藥
全家解說養生方特承恩詔新開戟每見公卿不下牀
竹樹清溪寒院靜長懸石磬在虛廊

同蔣韋二少監贈李郎中

舊年同是此曹郎各罷魚符自楚鄉重着青衫承詔命
齊趨紫殿異班行別來同說經過事老去相傳補養方
憶得當時亦連步如今獨在讀書堂

贈商州王使君

銜命南來會郡堂却思朝裏接班行才雄猶是山城守
道薄初爲水部郎選勝相留開客館尋幽更引到僧房

明朝從此辭君去，獨出商關路漸長。

酬哥舒大少府寄同年科第

元稹

前年科第偏年少，未解知羞最愛狂。九陌爭馳好鞍馬，

八人同著綵衣裳。

同年科第宏詞者二員，正十一起拔萃白二十二，若易平判李十一，復禮

呂四頗哥舒大類崔十八，立亮速不肖八人，皆奉榮養。

自言行樂朝朝是，豈料浮

生漸漸忙，賴得官閒且疎散，到君花下憶諸郎。

送盧戡

紅樹蟬聲滿夕陽，白頭相送倍相傷。老嗟去日光陰促，
病覺今年晝夜長。願我親情皆遠道，念君兄弟欲他鄉。
紅旗滿眼襄州路，此別淚流千萬行。

玉堂才調集

陽

清都春霽寄胡三吳十一

盡珠宮殿經微雨，草樹無塵濯眼光。白日當空天氣暖，
好風飄樹柳陰涼。蜂憐宿露攢芳久，燕得新泥拂戶忙。
時節催年春不住，武陵花謝憶諸郎。

夜坐

雨滯更愁南瘴毒，月明兼喜北風涼。古城樓影橫空館，
濕地蟲聲遠暗廊。螢火亂飛秋已近，星辰早沒夜初長。
孩提萬里何時見，狼籍家書滿臥牀。

贈吳渠州從姨兄士則

憶昔分襟童子郎，白頭拋擲又他鄉。三千里外巴南恨，

二十年前城裏狂，甯氏舅甥俱。叔莫荀家兒，弟半淪亡。
淚因生別兼懷舊，迴首江山欲萬行。

贈楊使君

白居易

曾嗟放逐同巴峽，且喜歸來會洛陽。時命到來須作用，
功名未立莫思量。銀銜叱撥欺風雪，金屑琵琶費酒漿。
更待城東桃李發，共君沉醉兩三場。

嵩陽觀夜奏霓裳

開元遺曲自淒涼，况近秋天調是商。愛者誰人惟白尹，
奏時何處是嵩陽。迥臨山月聲彌怨，散入松風韻更長。
子晉少姨聞定怪，人間亦覺有霓裳。

玉堂才調集

花前有感兼呈崔相公劉郎中

十四

落花如雪鬢如霜，醉把花看益自傷。少日爲名多檢束，
長年無興可顛狂。四時輪轉春常少，百刻支分夜苦長。
何事同生壬子歲，老於崔相及劉郎。

江樓夕望招客

海天東望夕茫茫，山勢川形潤復長。燈火萬家城四畔，
星河一道水中央。風吹古木晴天雨，月照平沙夏夜霜。
能就江樓消暑否，比君茆舍校清凉。

東院

松下軒廊竹下房，暖簷晴日滿繩牀。淨名居士經三卷，

榮啓先生琴一張老去齒衰嫌橘醋病來肺渴覺茶香
有時閒酌無人伴獨自騰騰入醉鄉

西湖晚歸回望孤山贈諸客

柳湖松島蓮花寺晚動歸橈出道場盧橘子低山雨重
棕櫚葉戰水風涼烟波淡蕩搖空碧樓殿參差倚夕陽
到岸請君回首望蓬萊宮在海中央

登西樓憶行簡

每因樓上西南望始覺人間道路長礙日暮山青簇簇
漫天秋水白茫茫風波不見三年面書信難傳萬里腸
早晚東歸來下峽穩乘船舫過瞿塘

玉堂才調集

開出覓春戲贈諸郎官

陽
五

年來數出覓風光亦不全閒亦不忙放鞵體安騎穩馬
隔袍身暖照晴陽迎春日日添詩思送老時時放酒狂
除却髭鬚白一色其餘未伏少年郎

聞行檢恩賜章服喜成長句奇之

吾年五十加朝散爾亦今年賜服章齒髮恰同知命歲

官銜俱是客曹郎

子與行檢俱年五十始著緋皆是主客郎官

榮傳錦帳花

聯萼彩動綾袍馬趣行

緋多以馬嚼瑞莎爲之也

大抵着緋宜老大

莫嫌秋髮數莖霜

十二月二十三日作兼呈晦叔

案頭曆日雖未盡向後惟殘六七行牀下酒餅雖不滿
猶應醉得兩三場病身不許依年老拙宦虛教逐日忙
聞健偷閒且勤飲一杯之外莫思量

早夏曉興贈夢得

窗明簾薄透朝光卧整巾簪起下牀背壁燈殘經宿焰
開箱衣帶隔年香無情亦任他春去不醉爭銷得晝長
一部清商一壺酒與君明日煖新堂

九月八日酬皇甫十見贈

君方對酒綴詩章我正持齋坐道場處處追遊雖不去
時時吟詠亦無妨霜蓬舊鬢三分白露菊新花一半黃

玉堂才調集

惆悵東籬不同醉陶家明日是重陽

吾土

身心安處爲吾土豈限長安與雒陽水竹花前謀活計
琴書酒裏到家鄉榮先生老何妨樂楚接輿歌未必狂
不用將金買莊宅城東無玉是春光

臘後歲前遇景詠意

江梅半白柳微黃凍水初融日欲長度臘都無苦霜霰
迎春先有好風光郡中起晚聽衙鼓城上行慵倚女墻
公事漸閒身且健使君殊未厭餘杭

冬至夜

老去襟懷常濩落病來鬢髮轉蒼浪心灰不及爐中火
鬢雪多於砌下霜三峽南賓城最遠一年冬至夜偏長
今朝始覺房櫳冷坐索寒衣說孟光

春至

若爲南國春還至爭向東樓日又長白片落梅浮澗水
黃稍新柳出城墻閒拈蕉葉題詩詠悶取藤枝引酒嘗
樂事漸無身漸老從今始擬負風光

池上夜境

晴空星月落池塘澄鮮淨綠表裏光露簾清瑩迎夜滑
風襟瀟灑先秋涼無人驚處野禽下新睡覺時幽草香
但問塵埃能去否濯纓何必向滄浪

玉堂才調集

七陽

池上逐涼

青苔地上消殘暑綠樹陰前逐晚涼輕屐單衫薄紗帽
淺池平岸庠藤牀簪纓怪我情何薄泉石諳君味甚長
編問交親爲老計多言宜靜不宜忙

初冬月夜得皇甫澤州手札并詩數篇因遣報書

兼題長句

清冷玉韻兩三章落箔銀鈞七八行心逐報書懸鴈足
夢尋來路繞羊腸水南地空多明月山北天寒足早霜
最恨潑醅新熟酒迎冬不得共君嘗

座中戲呈諸少年

衰容禁得無多酒，秋髩新添幾許霜。縱有風情應淡薄，
假如老健莫誇張。興來吟詠從成癖，飲後酣歌少放狂。
不爲倚官兼挾勢，因何入得少年場。

道場獨坐

整頓衣巾拂淨牀，一瓶秋水一爐香。不論煩惱先須去，
直到菩提亦擬忘。朝謁久停收劍佩，宴遊漸罷廢壺觴。
世間無用殘年處，祇合逍遙坐道場。

病中對病鶴

同癘病夫憐病鶴，精神不損翅翎傷。未堪再舉摩霄漢，
玉堂才調集

陽丈

只合相隨覓稻梁。但作悲吟和嘹唳，難將俗貌對昂藏。
惟應一事宜爲伴，我髮君毛俱似霜。

對鏡偶吟贈張道士抱元

閒來對鏡自思量，年貌衰殘分所當。白髮萬莖何所怪，
丹砂一粒不曾嘗。眼昏久被書料理，肺渴多因酒損傷。
今日逢師雖已晚，枕中治老有何方。

就暖偶酌戲諸詩酒舊侶

低屏軟褥卧藤牀，昇向前軒就日陽。一足任他爲外物，
三盃自要沃中腸。頭風若見詩應愈，齒折仍誇笑不妨。
細酌徐吟猶得在，舊遊未必任相忘。

早春同劉郎中寄宣武令狐相公

梁園不到一年強，遙想清吟對綠觴。更有何人能飲酌，
新添幾卷好篇章。馬頭拂柳時迴轡，豹尾穿花暫亞槍。
誰引相公開口笑，不逢白監與劉郎。

寄微之作時微之爲虢州司馬

高天默默物茫茫，各有來由致損傷。鸚鵡爲能言長剪翅，
龜緣難死久指牀。莫嫌冷落拋閒地，猶勝炎蒸臥瘴鄉。
外物竟關身底事，謾排門戟繫腰章。

送蕭處士遊黔南

能文好飲老蕭郎，身似浮雲鬚似霜。生計拋來詩是業，

玉堂才調集

陽
十九

家園忘却酒爲鄉，江從巴峽初成字。猿過巫陽始斷腸，
不醉黔中爭去得。摩圍山月正蒼蒼。

周員外席上觀柘枝

文苑英華作周員外
外出雙舞柘枝妓

張祐

畫鼓拖環錦臂攘，小娥雙換舞衣裳。金絲蹙霧紅衫薄，
銀蔓垂花紫帶長。鸞影乍迴頭並舉，鳳聲初歇翅齊張。
一時歛腕招殘拍，斜斂輕身拜玉郎。

觀燈

張肅遠

十萬人家火燭光，門門開處見紅粧。歌鐘喧夜更漏暗，
羅綺滿街塵土香。星宿別從天畔出，蓮花不向水中芳。

寶釵驟馬多遺落依舊明朝在路旁

詠春風

崔涯

動地經天物不傷高情曷韻任何方輕扶燕雀連天去
斷送楊花盡日狂遶桂月明過萬戶送帆晴晚渡三湘
孤雲雖是無心物借便吹教到帝鄉

寺院涼夜書情呈呂溫

何元上

庾公念病宜清暑遣向僧家占上方月光似水衣裳濕
松氣如秋枕簟涼幸以薄才當客次無因弱羽逐鸞翔
何由一示雲霄路腸斷星星兩鬢霜

賞春

姚合

玉堂才調集

陽

閒人祇是愛春光迎得春來喜欲狂買酒怕遲令

一作教

走馬看花嫌遠自移牀嬌鶯語足方離樹戲蝶飛高始
過牆顛倒醉眠三數日人間百事不思量

送源中丞使新羅

丹墀召對使殊方官重霜臺紫綬光玉節在船清海怪
金函開詔拜夷王雲晴漸覺山川異風便那知道路長
誰得似君將雨露海東萬里灑扶桑

送貞實上人歸杭州天竺寺

石橋寺裏崑清涼聞說茅菴寄上方林外猿聲連院磬
月中湖色到禪牀他生念我身何在此世惟師性亦忘

九陌相逢千里別青山重叠樹蒼蒼

欲別

山川重叠遠茫茫欲別先憂別恨長紅芍藥花雖共醉
綠蘼蕪影又分將鴛鴦有路高低去鴻鴈南飛一兩行
惆悵與君烟景隔不知何日到瀟湘

西堂贈美人
章孝標

諸侯帳下慣新粧皆怯劉家薄媚娘寶髻巧梳金翡翠
羅裙宜着綉鴛鴦輕舞舞汗初沾袖細細歌聲欲遶梁
何事不歸巫峽去故來人世斷人腸

翰林李舍人
朱慶餘

玉堂才調集

陽

記得早年曾拜識便憐孤進賞文章免令汨沒慙時輩
與作聲名徹舉場一自鳳池承密旨今因世路接餘光
雲泥雖隔思長在縱使無成也不忘

寺居寄楊侍御
周賀

雨過北林空晚涼院閒人去掩斜陽十年多病度落榮
萬里亂愁生夜牀終欲返耕甘性拙久慚他事與身忙
還知謝客名先重肯爲詩篇問楚狂

山行送陳衡
韋諷

秋江烟景晚蒼蒼江上離人促去航千里一官嗟獨往
十年雙鬢付三霜雲迷樓曲親庭遠夢遶通山客路長

不必臨風悲冷落古來白首尚爲郎

赴職梓潼留別同年長之員外

李商隱

佳兆聯翩遇鳳凰雕文羽帳紫金牀桂花香處同高第
神葉翻時獨悼亡鳥鵲失棲長不定鴛鴦何事日相將
京華庸蜀三千里送到咸陽見夕陽

留贈畏之

侍將赴職梓潼過韓朝迴

清時無事奏明光不遣當關報早霜中禁詞臣尋引領

左川歸客自迴腸郎君下筆驚鸚鵡

韓瞻字即偓也小字冬郎佐嘗卽席

爲詩一座盡驚句有老成之風

侍女吹笙弄鳳凰空寄大羅天上事衆

仙同日咏霓裳

玉堂才調集

王十二兄與畏之相訪見招小飲時余以悼亡日

近不赴因寄

謝傳門庭舊未行今朝歌管屬檀郎

潘岳小名檀奴因呼所飲曰檀郎

更無人處簾垂地欲拂塵時鞦韆竟牀嵇氏幼男猶可憫

左家嬌女豈能忘愁霖腹疾俱難遣萬里西風夜正長

酬崔八早梅有贈兼示之作

知訪寒梅過野塘又留金勒爲迴腸謝郎衣袖初翻雪

荀令熏爐更換香何處拂胸資蝶粉幾時塗額藉蜂黃

維摩一室雖多病亦要天花作道場

李羽處士寄新醞走筆戲酬

溫庭筠

高談有伴還成藪沉醉無期卽是鄉已恨流鶯欺謝客
更將浮蟻與劉郎簷前柳色分張綠窗外花枝借助香
所恨玳筵紅燭夜草玄寥落近迴塘

南湖

湖上微風入檻涼翻翻菱荇滿迴塘野船着岸俛春草
水鳥帶波飛夕陽蘆葉有聲疑霧雨浪花無際似瀟湘
飄然篷艇東遊客盡日相看憶楚鄉

訪知玄上人遇曝經因贈

縹帙無塵滿書廊終山弟子靜焚香惠然未肯傳心法
張湛徒勞與眼方風颺檀烟消篆印日移松影過禪牀

玉堂才調集

客兒自有翻經處江上秋來蕙草荒

題青雲館

屬商於

杜牧

虬蟠千仞劇羊腸天府由來百二強四皓有芝輕漢祖
張儀無地與懷王帳連雲影蘿陰合枕遶泉聲客夢涼
溪處會容高尚者水苗三頃百株桑

奉和白相公聖德和平致茲休運歲終功就合詠

盛明呈上三相公長句四韻

行看臘破好年光萬壽南山對未央黠戛可汗修職貢
文思天子復河湟應須日御西巡狩不假星弧北射狼
吉甫裁詩壽盛業一篇江漢美宣王

西江懷古

上吞巴漢控瀟湘，怒似連山淨鏡光。
魏帝縫囊真戲劇，符堅投筆更荒唐。
千秋釣舸歌明月，萬里沙鷗弄夕陽。
范蠡清塵何寂寞，好風惟屬往來商。

題韋長史山居

許渾

一官惟買畫公堂，但得身閒日自長。
琴曲少聲重勘譜，藥丸多忌更尋方。
溪浮箬葉添杯綠，泉繞松根助茗香。
明日鱖魚何處釣，門前春水似滄浪。

遊江令舊宅

身沒南朝宅已荒，邑人猶賞舊風光。
芹根生葉石池淺

玉堂才調集

陽

桐樹落花金井香，帶煖山蜂巢畫閣。
欲陰溪燕集書堂，閒愁此地更西望。
潮浸臺城春草長

韶州驛樓宴罷

簷外千帆背夕陽，歸心杳杳鬢蒼蒼。
猿羣宿夜山靜，沙鳥獨飛秋水涼。
露墮桂花碁局濕，風吹荷葉酒瓶香。
王人不醉下樓去，月在南軒更漏長。

晚自朝臺至韋隱居郊園

朝音潮亦名越王臺

秋來鳧鷖下方塘，繫馬朝臺步夕陽。
村徑繞山松葉滑，野門臨水稻花香。
雲連海氣琴書潤，風帶潮聲枕簟涼。
西去蟠溪猶萬里，可能垂白待文王。

和友人送僧歸桂州靈岩寺

楚客送僧歸桂陽海門帆勢極瀟湘碧雲千里暮愁合
白雪一聲春思長柳絮擁隄添蒨軟松花浮水注瓶香
南宗長老幾年別聞道半岩多影堂

宿望亭館寄姑蘇一二同志

候館人稀夜自長姑蘇城遠樹蒼蒼江湖水落高樓迥
河漢秋歸廣簾涼月轉碧梧移鵲影露低紅葉濕螢光
西園詩侶應多思莫醉笙歌掩畫堂

病間寄郡中文士

盧橘含花處處香老人依舊卧青滄心同客舍驚秋早
玉堂才調集

陽圭

跡似僧齋厭夜長風卷翠簾琴自響露凝朱閣簾先涼
明朝欲醉文中彥猶覺吟聲帶越鄉

題崔處士山居

坐窮今古掩書堂二頃湖田一半荒荆樹有花兄弟樂
橘林無實子孫忙龍歸曉洞雲猶濕麝過春山草自香
向夜欲歸心萬里故園松月更蒼蒼

早春郡樓書事寄呈府中羣公

兩鬢垂絲髮半霜石城孤夢繞襄陽鴛鴦裏蓮披檻
虎豹營中柳拂墻畫舸欲行春水急翠簾初捲暮山長
峴亭風起花千片流入南湖盡日香

途經敷水

修蛾鬢翠倚柔桑遙謝春風白面郎
五夜有情隨暮雨百年無節待秋霜
重尋綉帶朱藤合更認羅裙碧草長
何處野花何處水下峰流出一渠香

出永通門經李氏莊

飛軒危檻百花堂朝譙歌鐘暮已荒
中散獄成琴自怨步兵廚廢酒猶香
風池宿鳥喧朱閣雨砌秋螢拂畫梁
力保山河家又慶祇應中令敵汾陽

和浙西從事劉三復送僧南歸

楚客送僧歸故鄉海門帆勢極瀟湘
碧雲千里暮愁合

玉堂才調集

陽
玉

白雪一聲春思長開院草花平講席
繞龕藤葉蓋禪牀憐師不得隨師去
已戴儒冠事素王

滄浪峽

纓帶流塵髮半霜獨尋殘月下滄浪
一聲溪鳥暗雲散萬片野花流水香
昔日未知方外樂暮年初信夢中忙
紅鰕青鯽紫芹脆歸去不辭來路長

宿楚國寺有懷

趙嘏

風動衰荷寂寞香斷烟殘月共蒼蒼
寒生晚寺波搖壁紅墮疎林葉滿牀
起鴈似驚南浦棹陰雲欲護北樓霜
江邊松菊荒應盡八月長安夜正長

開元後樂

薛逢

莫奏開元舊樂章，樂中高曲斷人腸。
邠王玉笛三更咽，虢國金車十里香。
一自戎生薊北，便從征戰老汾陽。
中原駿馬搜求盡，沙苑年來草又芳。

宮詞

十二樓中盡曉粧，望仙樓上望君王。
玉鎖銜金獸連環冷，水滴銅龍畫漏長。
雲髻罷梳還對鏡，羅衣欲換更添香。
遙窺正殿簾開處，袍袴宮人掃御牀。

詠柳

弱植驚風急，自傷暮來翻。
遣思悠揚，曾飄紫陌隨高下。

陽

毛

堂

才

調

集

敢拂朱闌競短長，縈砌乍飛還乍舞。
撲池如雪又如霜，莫令岐路頻攀折。
漸擬垂陰到畫堂。

雨霽北歸留題三學山

薛能

遠樹平川半夕陽，錦城遙辨立危墻。
閒思勝事多遺恨，却悔公心是謾忙。
灌口缺尋慚遠客，峨眉乖約負支郎。
靈龕一望終何得，謬有人情滿蜀鄉。

淡秋喜友人至

劉滄

不避驅羸道路長，青山同喜惜年光。
燈前話舊階草夜，月下醉吟溪樹霜。
落葉已經寒燒盡，衡門猶對古城荒。
此身未遂歸休計，一半生涯寄岳陽。

懷汶陽兄弟

回看雲嶺思茫茫幾度關河隔汶陽
書信經年鄉國遠
弟兄無力海田荒
天高霜月砧聲苦
風滿寒林木葉黃
終日路岐歸未得
秋來空羨鴈成行

春日游嘉陵江

獨泛扁舟映綠楊
嘉陵江水色蒼蒼
行看芳草故鄉遠
坐對落花春日長
曲岸危檣移渡影
暮天棲鳥入山光
今來誰識東歸意
把酒閒吟思洛陽

秋日望上陽宮

苔色輕塵鎖洞房
亂鴉羣鶴集殘陽
青山空出禁城日

玉堂才調集

陽

黃葉自飛宮樹霜
擲筵幾年香輦去
天津終日水聲長
此時獨立意難盡
正值西風砧杵涼

經曲阜城

行經闕里自堪傷
曾歎東流逝水長
蘿蔓幾凋荒隴樹
莓苔多處古宮牆
三千弟子標青史
萬代先生號素王
蕭索風高洙泗上
秋山明月夜蒼蒼

春日遙裝夜

項斯

卷席貧拋壁下牀
且鋪他處對燈光
欲行千里從今夜
猶惜殘春發故鄉
蚊蚋已生團扇急
衣裳未了剪刀忙
誰知更有芙蓉浦
南去令人愁思長

清明日與友人遊玉塘莊

來鵬

幾宿春山逐陸郎
清明時節好風光
歸穿綠杏船頭滑
醉踏殘花屐齒香
風急嶺雲飄迥野
雨餘田水落方塘
不堪吟罷東回首
滿耳蛙聲正夕陽

司馬禮

晚過伊水寄龍門僧
龍門樹色暗蒼蒼
伊水東流客恨長
病馬獨嘶殘夜月
行人欲渡滿船霜
幾家烟火依村步
何處漁歌似故鄉
山下禪庵老師在
願將形役問空王

李郢

江上逢王將軍
虬髯憔悴羽林郎
曾入甘泉侍武皇
鵬沒夜雲知御苑
玉堂才調集

陽

馬隨春仗識天香
五湖歸去孤舟月
六國平來兩鬢霜
惟有桓伊江上遂
卧吹三弄送殘陽

送晉陵王少府赴舉

方干

相看不忍盡離觴
五兩牽風速去橋
遠驛新砧應弄月
初程殘角未吹霜
越山直下分吳苑
淮水橫流入楚鄉
珍重鄒家好兄弟
明年祿位在何方

隴頭吟

翁綬

隴水潺湲隴樹黃
征人隴上盡思鄉
馬嘶斜月朔風急
鴈過寒雲邊思長
殘月出林明劍戟
平沙隔水見牛羊
橫行俱是封侯者
誰斬樓蘭獻未央

離鸞

唐彥謙

聞道離鸞思故鄉也知情願嫁王昌塵埃一別楊朱路
風月三年宋玉牆下疾不成雙點淚斷多難到九迴腸
庭前佳樹名梔子試結同心寄謝娘

寄蔣二十四

烏囀蜂飛日漸長旅人情味悔思量禪門淡泊無心地
世事生疎欲面牆一月雲烟迷柳色九衢風土帶花香
亦知高士禁愁絕試倚闌干莫斷腸

春溪獨行馬上有作

月烈風高野草香百花狼籍柳披猖連天瑞靄千門遠
玉堂才調集

陽
三

夾道新陰九陌長衆飲不歡逃席酒獨行無味放遊韉
年來與問閒遊者若個傷春向路旁

塞下

沈彬

寒葉聲悲秋欲霜寒山數點下牛羊映霞旅鴈隨疎雨
向積行人帶夕陽邊騎不來沙路失國恩深後海城荒
兒向化新成長猶自千回問漢王

秋日

秋含砧杵搗斜陽笛引西風咽氣涼薜荔惹烟籠蟋蟀
芰荷翻雨潑鴛鴦當年酒賤何妨醉今日時難不易并
腸斷舊遊從一別潘安惆悵滿頭霜

開曾望遊顏家林園病中有寄
皮目休

一夜韶姿着水光
謝家春草滿池塘
細挑泉眼尋新脉
輕把花枝嗅宿香
蝶欲試飛猶護粉
鶯初學嘯尚羞簧
分明不得同君賞
盡日傾心羨索郎

曾望以躬掇野蔬兼示雅什用以酬謝

杖摘春烟暖向陽
煩君爲我致盈筐
溪挑乍見牛脣液

爾雅云黃牛脣一名水蔞

細掐徐聞鼠耳香

本草云葉似鼠耳莖亦可生食

紫甲采

從泉脉畔翠芽搜
白石根傍雕胡飯
熟餽餽軟不是高
人不合嘗

和謝送魚

玉堂才調集

陽

釣公來信自松江
三尺春魚撥刺霜
腹內舊鈞苔染澁
腮中新餌藻和香
冷鱗中斷榆錢破
寒骨平分玉斂光
何事眠君偏得所
祇緣同是越航郎

和同遊北禪院

戚歷杉陰入草堂
老僧雖見似相忘
吟多幾轉蓮花漏
坐久重焚柏子香
魚慣齋時分淨食
鴿能閒處傍禪牀
雲林滿眼空羈滯
欲對彌天却自傷

和魯望道室書事

望朝齋戒是尋常
靜啓金根第幾章
竹葉飲爲甘露色
蓮花餅作肉芝香
松膏背日凝雲磴
丹粉經年染石牀

刺欲與君終此志頑仙惟恐髟成霜
登初陽樓寄懷北平郎中

危樓新製號初陽白粉青菱射沼光
避酒幾浮輕舫舳下碁曾覺睡鴛鴦
投釣列坐圍華燭格籥分明占靚粧
莫怪重登頻有恨二年曾侍舊吳王

寄懷南陽潤卿

鹿門山下捕魚郎今向江南作渴羌
無事只陪看藕樣有錢惟欲買湖光
醉來渾忘移花處病起空聞焙藥香
何事對君猶有愧一篷衝雪返華陽

以紗巾寄魯望因而有作

玉堂才調集

周家新樣替三梁

頭中起後周武帝

裏髮偏宜白面郎掩斂乍

疑裁黑霧輕明渾似戴玄霜
今朝定見看花吳明日應開
漉酒香更有一般君未識
虎文巾在絳霄房

暇日獨處寄魯望

幽慵不覺耗年光犀柄金徽亂一牀
野客共爲賒酒計家人同作借書忙
園蔬預遣分僧料廩粟先教算鶴糧
無限高情好風月不妨猶得事吾王

偶成小酌招魯望不至以詩爲解因次韻酬之

醉侶相邀愛早陽小筵催辦不勝忙
衝溪柳駐吳娃憶倚短花排羯鼓牀
金鳳欲爲鶯引去鈿蟬疑被蝶勾將

如何共是忘形者不見漁陽揜一場

傷史拱山人

一緘幽信自襄陽上報先生去歲山客爲醫翻貫菜
野僧因弔却焚香峯頭孤冢爲雲穴松下靈筵是石牀
宗炳死來君又去終身不復到柴桑

吳中言情寄魯望

古來儉父愛吳鄉一主胥臺不可忘愛酒有情如手足
除詩無計似膏盲宴時不輟琅書味齋日難判玉鱸香
爲說松江堪老處滿船烟月濕莎裳

秋晚白洞庭湖別業寄穆秀才

玉堂才調集

陽

破村牢落過重陽獨自櫻花葺草房風捲紅蕉仍換葉
雨霖黃菊不成香野猿偷栗重窺戶落鴈疑人更繞塘
他日若修耆舊傳爲予添取此書堂

襲美以公齋小宴見招因代書寄之

陸龜蒙

早雲纔破漏春陽野客晨興喜又忙自與酌量煎藥水
別教安置曬書牀依方釀酒愁遲去借樣裁巾怕索將
惟待數般幽事了不妨還入少年場

閒書

病學高僧置一鉢披衣一作纜一作卽焚香開階雨

過苔花潤小簾風來薤葉涼南國羽書催部曲

時黃巢圍廣州

告急東山毛褐傲羲皇昇平聞道無時節試問中林亦不

妨

重憶白菊

我憐貞白重寒芳前後聚生夾小堂月朶暮開無絕艷

風莖時動有奇香何慚謝雪清才詠不美劉梅貴主粧

更憶幽窗疑一夢夜來村落有微霜

同襲美遊北禪院

院卽故河勳陸郎中舊宅

連延花蔓映風廊岸幘披襟到竹房居士祇今開梵處

先生曾是草玄堂清樽林下看香印遠岫窗中挂鉢囊

玉堂才調集

陽

今日有情消未得欲將名理問思光

和訪寂上人不過

芭蕉霜後石闌荒林下無人閉竹房經抄未成拋素几

錫環應撼過寒塘蒲團爲拂浮埃散茶器空懷碧筍香

早晚却還宗炳社夜淡風靜對禪牀

和襲美吳中言情

菰烟蘆雪是儂鄉釣綠隨身好坐忘徒愛右軍遺點畫

開披左氏得膏盲無因月殿聞移屣祇有風汀去採香

莫問江邊漁艇子玉皇看賜羽衣裳

酬襲美見寄海蟹

藥杯應阻懈螫香却乞江邊採捕郎自是楊雄知郭索

太玄經云蟹之郭索

且非何胤敢餓

何胤後于食味稍欲去其甚者猶有鮑脂糟蟹

青猶似含春靄沫白還疑帶海霜強作南朝風雅客夜來偷醉早梅傍

四月十五日道室書事寄襲美

烏飯新炊甍臠香道家齋日以爲常月苗杯舉存三洞雲蓋函關叩九章一掬陽泉堪作雨數銖秋石欲成霜可中直著雷平信爲覓閒眠苦竹牀

顧道士三弟子乞銘於襲美既而奉以束帛因賦

戲贈

玉堂才調集

陽

童初眞府名爲郎君與拙毫刻便房亦謂神仙同許郭不妨才力似班揚比於黃絹詞尤妙酌以霜縑價未當惟我有文無賣處筆鋒銷盡墨池荒

王先輩草堂

松徑隈雲到靜堂杏花臨澗水流香身從亂後全家隱日校人間一倍長金錄漸加新品秩玉皇偏贈羽衣裳何如聖代彈冠出方朔曾爲漢侍郎

襲美以紗巾見惠繼以雅音因次韻酬謝

薄如蟬翅背斜陽不稱春前贈

女臧反

郎初覺頂寒生

遠吹預憂頭白透新霜堪窺水檻澄波影好拂花墻

蓋香知有芙蓉留自戴

桐栢真人戴芙蓉冠也

欲我烟霧訪黃房

送包處士

李洞

秋思枕月臥瀟湘寄宿慈恩竹裏房性急却於碁上慢

身閒未免藥中忙休拋手網驚龍睡曾挂頭巾拂烏行

聞說石門君舊隱寒風濺瀑攘書堂

敘樓白舊遊

老着重袍坐石房笠經休講白眉長省衝鼉

江島

曾看魚飛倚海橋曉炙凍孟原日氣夜挑蓮椀禁燈光

吟詩五嶺尋無可倏忽如今四十霜

贈永崇李將軍充襄陽制置使

玉堂才調集

陽

拜官門外發輝光宿衛陰符淫幾行行處近天龍尾滑

獵時陪帝馬鬃香九城王氣生旗隊萬里寒風入箭瘡

從此浩然聲價歇武中還有李襄陽

哭陷邊許兵馬使

唐

北風裂地黯邊霜戰敗桑乾日色黃故國暗迴殘士卒

新墳空葬舊衣裳散牽細馬嘶青草任去佳人弔白楊

除却陰符與兵法更無一物在儀牀

思顧雲在淮南以學仙詞寄之

李昭象

記得麤傳九轉方碧雲峰下祝虛皇丹砂未熟心徒切

白日難留髻欲蒼無路洞天尋穆滿有時人世羨劉郎

仙人恩重何由報焚盡星壇午夜香

燕

人鄭谷

年去年來來去忙春寒烟暝度瀟湘低飛綠岸和梅雨
亂入紅樓揀杏梁閒几硯中闕水淺落花徑裏得泥香
千言萬語無人會又逐流鶯過短牆
八月悲風九月霜蓼花紅淡葦條黃石頭城下波搖影
星子灣西雲間行驚散漁家吹短笛失羣征戍鎖殘陽
故鄉聞爾亦惆悵何況扁舟非故鄉

峽中嘗茶

玉堂才調集

陽

簇簇新英摘露光小江園裏火前嘗吳僧謾說鴟山好
蜀客休誇鳥嘴香入座半甌輕泛綠開緘數片淺含黃
鹿門病客不歸去酒渴更知春味長
仙漏遲遲出建章宮簾不動透清光金闈露白新裁詔
書閣春紅正試粧淚滴杯盤何所恨燼飄蘭麝暗和香
多情更有分明處照得歌塵下燕梁

石城

石城昔爲莫愁鄉莫愁竟散石城荒江人依舊棹舴艋

江岸還飛雙鴛鴦帆去帆來風浩渺花開花謝一作春

悲涼烟濃草遠望不盡千古漢陽問夕陽

次韻酬張補闕因寒食見寄之什

柳近清明翠縷長多情右袞不相忘開緘雖觀新篇覺
破鼻須聞冷酒香時態懶隨人上下花心日被蝶分張
朝稀且莫輕春賞勝事由來在帝鄉

感懷投時相

非才偶忝直文昌兩鬢年深一鏡霜待漏敢辭稱小吏
立班猶未出中行孤吟馬跡拋槐陌遠夢漁竿擲葦鄉
丞相舊知爲學苦更教何處貢篇章

故許昌薛尚書能嘗爲都官郎中後數歲故建州

玉堂才調集

李員外穎自憲府內彈拜都官員外八座外郎

皆一時騷雅宗師則都官之曹振盛於此余早

年請益實受深知今忝此官復是正秩豈惟俯

慰孤宦何以仰繼前賢榮惕在秉遂賦自賀

都官雖未是名郎踐歷曾聞薛許昌復有李公陪雅躅
豈宜鄭子忝餘光榮爲後進趨蘭署喜拂前題在粉牆
八座外郎于省中題記多在他日節旄如可繼不嫌曹冷在中行

劉員外寄移菊

李山甫

秋來緣樹復緣牆怕怕共平蕪一例荒顏色不能隨地變
風流唯解逐人香烟含細葉交加碧露圻寒英次第黃

淡謝栽培與知賞但慙終歲待重陽

冬末同友人泛瀟湘

杜荀鶴

殘臘泛舟何處好最多吟興是瀟湘就船買得魚偏美
踏雪沽來酒倍香猿到夜澗啼岳麓鴈知春近別衡陽
與君剩採江山景裁取新詩入帝鄉

送友人宰潯陽

高典那言去路長非君不解愛潯陽有時猿鳥來公署
到處烟霞是道鄉釣艇滿江魚賤菜紙窩連嶽楮多桑
陶潛舊隱依稀在好繼高踪結草堂

送李先輩從軍塞上

玉堂才調集

陽堯

去草軍書入帝鄉便從城外學戎裝好隨漢將收 土
莫遣 兵近漢疆灑磧雪粘旗力重凍河風揭角聲長
此行也是男兒事莫向征人恃桂香

和舍弟題書堂

兄弟將知大自強亂時同葺讀書堂巖泉過雨多還鬧
溪竹惟風少卽涼藉草醉吟花片落傍山閒步藥苗香
團圓後是家肥事何必盈倉與滿箱

雜揚冬末寄幕中二從事

江上數枝桑棗樹自從離亂更荒涼那堪旅館經殘月
祇把空書寄故鄉典盡客衣三尺雪鍊精詩句一頭霜

故人多在芙蓉幕應笑孜孜道未光

憲丞裴公上洛退居有寄

吳融

瘦如仙鶴爽風篁外却塵囂興緒長偶坐幾回沉皓月
閒吟是處到殘陽門前立使修書懶花下留賓壓酒忙
目斷瓊林攀不得一重丹水抵三湘

岐下寓居見槐花落因寄從事

纔開便落不勝黃覆着庭莎襯夕陽只共蟬催雙鬢老
可知人已十年忙曉窗須爲吟秋典夜枕應教夢帝鄉
蜀國馬卿看從獵肯將閒事入淒涼

富水驛東楹有人題詩

筆跡柔媚
出自纖指

玉堂才調集

陽

繡纓霞翼兩鴛鴦金島銀川是故鄉只合雙飛便雙死
豈悲相失與相忘烟花夜泊紅蕖膩蘭渚春遊碧草芳
何事遽驚雲雨別秦山楚水兩乖張

守愚

韓偓

淡院寥寥竹蔭廊披衣欹枕過年芳守愚不覺世途險
無事始知春日長一畝落花圍隙地半竿斜日界空牆
今來自責趨時懶翻恨松軒書滿牀

秋郊閒望有感

楓葉微紅近有霜碧雲秋色滿吳鄉魚衝駭浪雪鱗健
鴉閃殘陽金背光心爲感恩長慘慼鬢因經亂早蒼浪

可憐廣武山前事楚漢寧教作戰場

秋澗閒興

此心却笑野雲忙甘得貧閒意甚長病起乍嘗新橘柚
秋深初換熟衣裳晴來喜鵲無窮語雨後寒花特地香
把釣覆碁兼舉白不離名教可顛狂

夜船

野雲低迷烟蒼蒼平波揮目如凝霜月明船上簾幕卷
露重岸頭花木香村遠夜深無火燭江寒坐久換衣裳
誠知不覺天將曙幾簇青山鴈一行

退朝書懷

玉堂才調集

陽

鶴帳星冠羽客裝寢樓西畔坐書堂山禽養久知人喚
窗竹芟多漏月光粉壁不題新拙惡小屏惟錄古篇章
孜孜莫患勞心力富國安民理道長

橫塘

秋寒灑背入簾霜鳳脰燈青照洞房蜀紙麝煤添筆媚
越甌犀液發茶香風飄亂點更籌轉拍送繁絃曲破長
散客出門斜月在兩眉愁思向橫塘

裏娜

裏娜腰肢淡薄粧六朝宮樣窄衣裳岑辭暫見櫻桃破
飛蓋遙聞荳蔻香春惱襟懷身覺瘦酒添顏色粉生光

此時不敢分明道風月應知暗斷腸

春宴河亭

劉兼

柳擺輕絲拂嫩黃檻前流水滿池塘一筵金翠臨芳岸
四面煙花出粉牆舞袖逐風翻綉浪歌塵隨燕下雕梁
鬢箋象管休凝思且放春心入醉鄉

江樓望鄉寄內

獨上江樓望故鄉淚襟霜笛共妻涼雲生隴首秋雖早
月在天心夜已長魂夢只能隨蛺蝶烟波無計學鴛鴦
蜀箋都有三千幅總寫離情寄孟光

貴遊

玉堂才調集

陽

繡衣公子宴池塘景融融萬卉芳珠翠照天春未老
管絃臨水口初長風飄柳線金成穗雨洗梨花玉有香
醉後不能離綺席擬憑青帝繫斜陽

贈永真杜翱少府

李中

藍袍竹簡佐琴堂縣僻人稀覺日長愛靜不嫌官况冷
苦吟從聽鬢毛蒼閒尋野寺聽秋水寄睡僧窗到夕陽
騫翥會應霄漢去漁竿休更戀滄浪

竹

森森移得自山莊植向空庭野興長便有好風來枕簟
更無閒夢到瀟湘廕來薜砌經疎雨引下溪禽帶夕陽

閒約羽人同賞處安排碁局就清涼

思九江舊居

門前烟水似瀟湘放曠優游興味長
虛閣靜眠聽遠浪扁舟閒上泛殘陽
鶴翹碧鱗庭除冷竹引清風枕簟涼
犬吠疎籬明月上隣翁携酒到茅堂

秋日登潤州城樓

虛樓一望極封疆積雨晴來野景長
水接海門鋪遠色稻連京口發秋香
鳴蟬歷歷空相續歸鳥翩翩自著行
吟罷倚闌淡有思清風留我到斜陽

吉水春暮訪蔡文慶處士留題

玉堂才調集

陽望

無事無憂鬢任蒼濁醪閒酌送韶光
溟濛雨過池塘暖狼籍花飛視席香
好古未嘗疎典册懸圖時要看瀟湘
戀君清話難留處歸路迢迢又夕陽

秋夜吟寄左假

與君詩興素來狂况入清秋夜景長
溪閣共誰看好月莎階應獨聽寒蛩
卷中新句誠堪喜身外浮雲不足忙
會約垂名繼前哲任他玄髮盡如霜

獻張義方常侍

雄飛看是道巖廊逸思常閒不暫忘
公署靜眠思水石古屏閒展看瀟湘
老來酒病雖然減秋杪詩魔更是狂

乘興有時招羽客橫琴移月啓茅堂

題裴端公郊居

韋 莊

暫隨紅旆佐藩方高跡終期臥故鄉已近水聲開澗戶
更侵山色架書堂蒲生岸脚青刀利柳拂波心綠帶長
莫奪野人樵牧興白雲不識綉衣郎

和人春暮書事寄崔秀才

半掩朱門白日長晚風輕墮落梅粧不知芳草情何限
只怪遊人思易傷纔見早春鶯出谷已驚新夏燕巢梁
相逢只賴如澆酒一曲狂歌入醉鄉

思歸

玉堂才調集

陽 署

暖絲無力自悠揚牽引東風斷客腸外地見花終寂寞
異鄉聞樂更淒涼紅垂野岸櫻還熟綠染迴汀草又芳
舊里若爲歸去好子期獨謝呂安亾

天井關

犬行山上雲深處誰向雲中築女牆短綆詎能垂玉鬣
繚垣何用學金湯劔開嵐翠爲高壘截斷雲霞作巨防
守吏不教飛鳥過赤谿何路到吾鄉

贈漁翁

草衣荷笠髻如霜自說家編楚水陽滿岸秋風吹枳橘
遠波煙雨種菰蔣蘆刀夜鱸紅鱗膩木甌朝蒸紫芋香

曾向五湖期范蠡爾來空澗久相忘

寄右省李起居

已向鴛行接鴈行便應雙拜紫薇郎纔聞闕下徵書急
已覺回朝草詔忙白馬似憐朱紱貴綵衣遙惹御爐香
多慚十載遊梁客未換青襟侍素王

過內黃縣

相州吹角欲斜陽匹馬搖鞭宿一作入內黃僻縣不容投
刺客野陂時遇射鵬郎雲中粉堞新城壘店後荒郊舊
戰場猶指去程千萬里秣陵烟樹在何鄉

山墅閒題

玉堂才調集

陽

遷迤前岡歷後岡一川桑柘好殘陽主人饋餉炊紅黍
鄰父携竿釣紫魴靜極却嫌流水開閒多翻笑野雲忙
有名不那無名客獨閉衡門避建康

謁巫山廟

亂猿啼處訪高唐路入烟霞草木香山色未能忘宋玉
水聲猶似哭襄王朝朝暮暮陽臺下爲雨爲雲楚國公
惆悵廟前無限柳春來空鬪畫眉長

贈王道者

五雲遙指海中央金鼎曾傳肘後方三島路岐空有月
十洲花木不知霜因携竹杖聞龍氣爲使仙童帶橘香

應笑吾曹身是夢白頭猶自學詩狂

貧女

蓬門未識綺羅香擬托良媒益自傷誰愛風流高格調

共憐時世儉梳粧敢將十指誇織一作巧不把雙眉鬪

畫長苦恨年年歷金線爲他人作嫁衣裳

桃花

暖觸衣襟漠漠香間梅遮柳不勝芳數枝艷拂文君酒

半里紅猷宋玉牆盡日無人疑帳望昏時經雨乍凄凉

舊山山下還如此回首東風一斷腸

送沈先輩歸宋上嘉禮

玉堂才調集

陽

青青仙桂觸人香白苧衫輕稱沈郎好繼馬卿歸故里

況聞山簡在襄陽盃傾別岸應須醉花傍征車漸欲芳

擬把金錢贈嘉禮不堪樓角困名場

楚人曾此限封疆不見清陰六里長一壑暮聲何怨望

數峯秋勢自顛狂由來四皓須神伏大抵秦皇謾氣強

欲學雞鳴試闕吏太平時節懶思量

經故友所居

槐花漠漠向人黃此地追遊跡已荒清論不知莊叟達

死交空歎趙岐忙病來未忍言閒事老去惟知覓醉鄉

日暮街東築羸馬一聲橫笛似山陽

寄鄭補闕

夫子門前數仞牆每經過處憶遊梁
路從青瑣無因見恩在丹心不可忘
未必爲讒口隔只因貪草諫書忙
別來愁悴知多少兩度槐花馬上黃

僕射陂晚望

陂在鄭州東三里後魏孝文帝
賜僕射李冲後世因以名其陂

雜 鄴

離人到此倍堪傷陂水蘆花似故鄉
身事未知何日了馬蹄惟覺到秋忙
田園牢落東歸晚道路辛勤北去長
却羨無愁是沙鳥雙雙相趁下斜陽

玉堂才調集

白角箏

疊玉駢珪巧思長露華煙魄讓清光
休搖雉尾當三伏似展龍鱗在一牀
高價不惟標越絕冷紋疑是卧瀟湘
杜陵他日重歸去偏稱醉眠松桂堂

鶯

暖辭春谷背殘陽飛下東風翅漸長
却笑金籠是羈絆豈知瑤草正芬芳
曉逢溪雨段紅樹晚嚙宮樓泣舊粧
何處離人不堪聽滿橋斜日裏垂楊

華下

司空圖

簪冠新戴步池塘逸韻偏宜夏景長
扶起綠荷承早露

驚迴白鳥入殘陽久無書去千時貴時有僧來自故鄉
不用名山訪真訣退休便是養生方

寄孟進士

譚用之

依舊池邊草色芳故人何處憶山陽書回科斗江帆暮
曲罷騶虞海樹蒼吟望曉烟思桂渚醉依殘月夢餘杭
別來南國知誰在空對禳禴一斷腸

雷塘

徐振

九重城闕悲涼盡一聚園林怨恨長花憶所爲猶自笑
草知無道更應荒詩名占得風流在酒興催教運祚亾
若問皇天惆悵事只應斜日照雷塘

玉堂才調集

魏

徐寅

伐罪書勳令不常爭教爲帝與爲王十年小怨誅桓郤
一檄溪讐怨孔璋在井螿龍如屈伏食槽驕馬忽騰驤
奸雄事過分明見英識空懷許子將

寶持多用綉爲囊雙目交加兩鬢霜金匣掠平花翡翠
綠窗裁破錦鴛鴦初栽連理枝猶短誤縮同心帶不長
欲製縑袍先把看質非純綺愧鉛鉅

宮詞

李建勳

白遠凝旒守上陽群衣頓減舊湖香簾垂粉閣春將盡

門掩梨花日漸長
草色濃濃封輦路
水聲低咽轉宮牆
君王一去不回駕
皓齒青蛾空斷腸

全貴題華嚴寺木塔
張泌

六街晴色動秋光
雨霽憑高只易傷
一曲晚烟浮渭水
半橋斜日照咸陽
休將世路悲塵事
莫指雲山認故鄉
回首漢宮樓閣暮
數聲鐘鼓自微茫

遠岫當軒列翠光
高僧一衲萬緣忘
碧松影裏地長潤
白藕花中水亦香
雲自雨前生淨石
鶴於鐘後宿長廊
遊人戀此吟終日
盛暑樓臺早有涼

玉堂才調集

陽晃

洞戶春遲漏箭長
短轅初返維揚傍
綵雲按曲青岑醴
沉水熏衣白璧堂
前檻蘭苕依玉樹
後園桐葉護銀牀
宴殘紅燭長庚爛
還促朝珂謁未央

胡宿

回首晚春尋桃源
觀菴餘日
曾皎然

武陵何處訪仙鄉
古觀雲根路已荒
細草擁壇人跡絕
落花沉澗水流香
山溪有雨寒猶在
松老無風韻亦長
全覺此身離俗境
玄機亦可照迷方

贈淮西賈兵馬使
僧清江

破功成百戰傷
天書親拜漢中郎
映門旂旆春風起

對客絃歌白日長階下闌雞花乍拆營南試馬柳初黃
由來吳楚多同調感激逢君共異鄉

懷齊已

僧曇域

鬢蟬秋景兩蒼蒼靜對芳齋一炷香病後身心俱寂寞
老來親友半彫傷蛾眉山色侵雲直巫峽灘聲入夢長
猶喜溪交有支遁時時音信到松房

于永和育萬枝

玉堂才調集

五陽

清喜齋文集卷之五

水來歸丈半湖遊却尋山對雲直兩灘灘聲入夢長

溪轉林長兩蒼蒼晴煙一炷香傳詩長心用寫

全覽對齊已

由來吳楚多同調感激逢君共異鄉

院客絃歌白日長階下闌雞花乍拆營南試馬柳初黃

玉堂才調集

庚 二百六十八首

沈佺期 一首

宗楚客 一首

蘇頲 二首

王維 二首

崔顥 一首

祖詠 一首

李白 一首

劉長卿 二首

玉堂才調集

包何 一首

韓翃 一首

皇甫曾 二首

耿湜 一首

崔崱 一首

張南史 一首

戴叔倫 一首

武元衡 一首

劉禹錫 九首

柳宗元 一首

張說 一首

邵昇 一首

高適 一首

岑參 一首

陶峴 一首

杜甫 六首

錢起 一首

李嘉祐 一首

皇甫冉 一首

盧綸 六首

司空曙 二首

李端 二首

于鵠 一首

王建 七首

權德輿 一首

韓愈 二首

楊巨源 二首

張籍 十首

元稹 二首

白居易 十八首

李紳 五首

楊凝 一首

賈島 二首

張祐 一首

姚合 五首

周墀 一首

周賀 二首

朱慶餘 二首

李商隱 三首

溫庭筠 四首

杜牧 四首

李遠 一首

許渾 五首

趙嘏 三首

薛逢 一首

劉威 一首

馬戴 一首

玉堂才調集

薛能 一首

劉滄 七首

李益 三首

李益 三首

李益 一首

李益 一首

李益 四首

李益 四首

李益 一首

李益 三首

李益 一首

李益 一首

李益 一首

李益 五首

李益 一首

李益 一首

李益 一首

李益 一首

李益 一首

李益 一首

玉堂才調集

庚

奉和春日幸望春宮應制

沈佺期

芳郊綠樹散春晴，復道離宮烟霧生。
楊柳千條花欲綻，葡萄百丈蔓初縈。
林香酒氣元相入，鳥嘯歌聲各自成。
定是風光牽宿醉，來晨復得幸昆明。

幸淑奉和春日幸望春宮

鄭 愔

晨蹕凌高轉翠旌，春樓望遠背朱城。
忽排花上遊天苑，却坐雲邊看帝京。
百草香心初冒蝶，千林嫩葉始藏鶯。
幸同葵藿傾陽早，願比盤根應候榮。

玉堂才調集

幸同奉和辛安樂公主山莊應制

宗楚客

玉樓銀榜枕巖城，翠蓋紅旂列禁營。
日映層岩圖畫色，風搖雜樹管絃聲。
水邊重閣含飛動，雲裏孤峯類削成。
幸睹八龍遊閬苑，無勞萬里訪蓬瀛。

以景灑湖山寺

張 說

空山寂歷道心生，虛谷迢遙野鳥聲。
禪室從來雲外賞，香臺登是世中情。
雲間東嶺千重出，樹裏南湖一片明。
若使巢由同此意，不將蘿薜易簪纓。

東岳封廻讌洛京西墉通晚會公卿樓臺絕勝宜春苑

蘇 頌

燈火還同不夜城，正觀人間朝市樂。忽聞天上管絃聲，
酺來萬舞羣臣醉。喜戴千年聖主明。

扈從鄂杜間奉呈刑部尚書舅崔黃門馬常侍

翠輦紅旗出帝京，長楊鄂杜昔知名。雲山一一看皆美，
竹樹蕭蕭畫不成。羽騎將過持袂拂，香車欲度捲簾行。
漢家曾草巡遊賦，何似今來應聖明。

奉和初春幸太平公主南莊應制 邵昇

沁園佳麗奪蓬瀛，翠壁紅泉遶上京。二聖忽從鸞殿幸，
雙仙正下鳳樓迎。花合步輦空聞出，樹襍帷宮畫裏成。
無路乘槎窺漢渚，徒知訪卜就君平。

玉堂才調集

送楊少府貶郴州

王維

明到衡山與洞庭，若爲秋月聽猿聲。愁看北渚三湘近，
惡說南風五兩輕。青草瘴時過夏日，白頭浪裏出湓城。
長沙不久留才子，賈誼何須弔屈平。

過乘如禪師蕭居士嵩丘蘭若

無著天親弟，與兄嵩丘蘭。若一峯晴食，隨鳴磬巢鳥下。
行踏空林落葉聲，迸水定侵香案濕。雨花應共石牀平，
溪洞長松何所有，儼然天竺舌先生。

夜別韋司士

高適

高館張燈酒復清，夜鐘殘月鴈歸聲。只言啼鳥堪求侶，

無那春風欲送行黃河曲裏沙爲岸白馬津邊柳向城
莫怨他鄉暫離別知君到處有逢迎

行經華陰

崔顥

峯巖太華俯咸京天外三峯削不成武帝祠前雲欲散
仙人掌上雨初晴河山北枕秦關險驛路西連漢時平
借問路傍名利客無如此處學長生

奉和相公發益昌

岑參

相國臨戎發帝京擁旄持節遠橫行朝登劍閣雲隨馬
夜渡巴江雨洗兵山花萬朶迎征蓋川柳千條拂去旌
暫到蜀城應計日須知明主待持衡

玉堂才調集

望薊門

祖詠

燕臺一望客心驚笙鼓喧喧漢將營萬里寒光生積雪
三邊曙色動行旌沙場烽火侵邊月海畔雲山擁薊城
少小雖非投筆吏論功還欲請長纓

西塞山下迴舟作

陶峴

匡廬舊業是誰主吳越新居安此生白髮數莖歸未得
青山一望計還成鴉翻楓葉夕陽動鷺立蘆花秋水明
從此捨舟何所詣酒旗歌扇正相迎

鸚鵡洲

李白

鸚鵡來過吳江水江上洲傳鸚鵡名鸚鵡西飛隴山去

芳洲之樹何青青烟開蘭葉香風起岸夾桃花錦浪生
遷客此時徒極目長洲孤月向誰明
吹笛秋山風月清誰家巧作斷腸聲風飄律呂相和切
月傍關山幾處明人騎中宵堪北走武陵一曲想南征
故園楊柳今搖落何得愁中却盡生

幕府秋風日夜清
淡溪裏花饒笑肯信吾兼吏隱名

王堂才調集

庚四

露下天高秋氣清空山獨夜旅魂驚疎燈自照孤帆宿
新月猶懸雙杵鳴南菊再逢人臥病北書不至鴈無情
步檐倚杖看牛斗銀漢遙應接鳳城

才微歲晚尚虛名臥病江湖春復生藥裹關心詩總廢
花枝照眼句還成只同燕石能星隕自得隋珠覺夜明
喬口橘洲風浪促繫帆何惜片時程

崔評事弟許相迎不到應慮老大見泥雨怯出必

愆佳期走筆戲簡葉香風起岸夾桃花錦浪生

江閣邀賓許馬迎午時起坐自天明浮雲不負青春色
細雨何孤白帝城身過花間霑濕好醉于馬上行來輕
虛疑皓首衝泥怯實少銀鞍傍險行

賦內愁

江草日日喚愁生巫峽泠泠非世情盤渦鷺浴底心性
獨樹花發自分明年戎馬暗南國異域賓客老孤城
渭水秦山得見否人今罷病虎縱橫

送盧侍御赴河北

劉長卿

謫居爲別倍傷情何事從戎獨遠行千里按圖收故地
三軍罷戰及春耕江天漠漠一作鴻初去漳水悠悠草

玉堂才調集

五

欲生莫學仲連逃海上田單空愧取聊城

別嚴士元

春風倚棹闔閩城水國春寒陰復晴細雨濕衣看不見
閒花落地聽無聲日斜江上孤帆影草綠湖南萬里情
東道若逢相識問青袍今已悞儒生

送李評事赴潭州使幕

錢起

湖南遠去有餘情蘋葉初齊白芷生謾說簡書催物役
遙知心賞緩王程興過山寺先雲到嘯引江帆帶月行
暮下山來貴無事佇聞談笑靜黎氓

闕下芙蓉

包何

一人理國致昇平萬物呈祥助聖明
天上河從闕下過江南花向殿前生
慶雲垂蔭開難蓋 濯露爲珠滿不傾
史對樂懸張宴處歌工欲奏採蓮聲

承恩量移宰江邑臨邛江悵然有作

皇甫會
李嘉祐

四年謫宦滯江城未厭門前郤水清
誰言宰邑化黎庶欲別雲山如弟兄
雙鷗爲底無心狎白髮從他繞髮生
惆悵閒眠臨極浦夕陽秋草不勝情

送康洗馬歸滑州
韓翃

腰佩雕弓漢射聲東歸銜命建雙旌
青絲玉勒康侯馬

玉堂才調集

庚六

孟一作白水金隄滑伯城臘雪夜寒宜
縱飲晴蕪晝獵不妨行懷君又隔千山遠
別後春風百草生

送張道士歸茅山謁李尊師
皇甫冉

向山獨有一人行近洞應逢雙鶴迎
常以素書傳弟子還因白石號先生
無窮杏樹行時種幾許芝田向月耕
師事少君年歲久欲隨旄節任層城

張芬見訪郊居作
皇甫會

林中雨散早涼生已有迎秋促織聲
三徑荒蕪羞對客十年衰老愧稱兄
愁心自惜江離晚世事方看木槿榮
君若罷官携手去尋山莫計白雲程

奉寄中書王舍人

腰金載筆謁承明至道安禪得此生西掖幾年綸綍貴
東山遙夜薜蘿情風傳刻漏星河曙月上梧桐雨露清
聖主好文誰爲薦閉門空賦子虛成

晚次鄂州

盧綸

雲間遠見漢陽城猶是孤帆一日程賈客晝眠知浪靜
舟人夜語覺潮生三湘愁鬢逢秋色萬里歸心對月明
舊業已隨征戰盡更堪江上鼓鼙聲

至德中途中書事寄李憫

亂離無處不傷情況復看碑到古城路遶寒山人獨去

玉堂才調集

庚七

月臨秋水鴈空驚顏衰重喜歸鄉國身賤多慚問姓名
今日至人還共醉應憐世故一儒生

冬夜貽別友人

愁聽千家流水聲相思獨向月中行侵階暗草秋霜重
徧郭寒山夜月明連年客舍惟多病數畝田園又廢耕
更送乘輅歸土國應憐貢禹未成名

春日題杜叟山下別業

百鳥羣飛山半晴渚田相接有泉聲園中曉露青藜合
橋上春風綠野明雲影斷來峯影出林花落盡草花生
今朝醉舞同君樂始信幽人不愛榮

夜投豐德寺謁海上人

半夜中峯有磬聲，偶逢樵者問山名。上方月曉聞僧語，
下界林疎見客行。野鶴巢邊松最老，毒龍潛處水偏清。
願得遠公知姓字，焚香洗鉢過浮生。

送李紉

舊國仍連五將營，儒衣何處謁公卿。波翻遠水蒹葭動，
路入寒村機杼鳴。嵇康書論多歸興，謝氏家風有學名。
爲問西來雨中客，空山幾處是前程。

塞上曲

耿漳

慣習干戈事，鞍馬初從小。在邊城，身微久屬千夫長。
玉堂才調集

庚

家遠多親五郡兒，懶說疆場曾大獲。且悲年鬢老長征，
塞鴻過盡殘陽裏。樓上嗚嗚暮角聲。

南原望漢宮

司空曙

荒原空有漢宮名，衰草茫茫雉堞平。連鴈下時秋水在，
行人過盡暮烟生。西陵歌吹何年別，南陌登臨此日情。
故事悠悠不可問，寒禽野水自縱橫。

長安曉望寄程

包集

補闕

包何

迢遞山河擁帝京，參差宮殿接雲平。風吹曉漏經長樂，

柳帶晴烟出禁城。天淨笙歌臨路發，日高車馬隔塵行。

獨有淺才甘未達，多慙名在解諸生。

包集作自憐久任諸生列未得金闕

籍姓

寄上韋蘇州兼呈吳縣李明府

崔崑

數年湖上謝浮名竹杖紗巾遂稱情雲外有時逢寺宿
日西無事傍江行陶潛縣裏看花發庾亮樓中對月明
誰念獻書來萬里君王淡在九重城

卧病聞吉中孚拜官寄元秘書昆季

李端

漢家採使不求聲自慰文章道欲行毛遂登門雖異賞
韓非入傳濫齊名雲歸暫愛青山出客去還愁白髮生
年少奉親皆願達敢將心事向玄成

玉堂才調集

送皎然上人歸山

適來世上豈緣名適去人間豈爲情古寺山中幾日到
高松月下十僧行雲陰鳥道苔方合雪映龍潭水更清
法主欲歸須有說門人流淚厭浮生

春山道中寄孟侍御

張南史

春來遊子傷歸路時有白雲邀獨行水流亂起石潭響
花發不知山樹名誰家魚網求鮮食何處人烟事火耕
昨日已嘗村酒熟一盃思與孟嘉傾

送唐大夫讓節歸山

于鵠

年老功成乞罷兵玉階匍匐進雙旌朱門鴛瓦爲仙觀

白領狐裘出帝城侍女休梳宮樣髻蕃童新改道家名
到時浸髮春泉裏猶夢紅樓簫管聲

宮詞

戴叔倫

紫禁迢迢宮漏鳴夜淡無語獨含情春風鸞鏡愁中影
明月羊車夢裏聲塵暗玉階碁跡斷香飄金屋篆烟清
貞心一任蛾眉妬買賦何須問馬卿

寄汴州令狐相公

王建

三軍江口擁雙旌虎帳長開自教兵機鎖惡徒狂寇盡
恩驅老將壯心生水門向晚茶商開橋市通宵酒客行
秋日梁王池閣好新歌散入管絃聲

玉堂才調集

庚十

贈田將軍

初從學院別先生便領偏師得戰名大小獨當三百陣
縱橫祇用五千兵廻殘足帛歸天庫分好旌旗入禁營
自執金吾長上直蓬萊宮裏夜巡更

真州邨居卽事

姚合

刻

休看小字大書名向日持經眼却明時過無心求富貴
身閒不夢見公卿因尋岳寺葦辛斷自別王城禮數生
斜月照牀新睡覺西峯

一作風

半夜鶴來聲

送阿史那將軍安西迎舊使靈輓

漢家都護邊頭沒舊將麻衣萬里迎陰地背行山下火

風天錯到積西城單于送葬還垂淚部曲招魂亦道名
却入杜陵秋巷裏路人來去讀銘旌

薛二十池亭

姚合

每箇樹邊消一日繞池行匝又須行異花多是非時有

好竹皆常要處生斜豎

一作立

小橋看島勢遠移山

一作幽

石作泉聲浮萍著岸風吹歌水面無塵晚更清

送魏州李相公

百代功勳一日成三年五度換雙旌開來不對人論戰
難處長先自請行旗下可曾誅敗將陣頭多是用降兵
當朝面受新恩去算料妖星不敢生

玉堂才調集

庚

題詠法師院

三年說戒龍宮裏巡禮還來向水行多愛貧窮人遠請
長修破落寺先成秋天盆裏新荷色夜地房前小竹聲
僧院不求諸處好轉經惟有一窗明

南徐別業早春有懷

武元衡

生涯擾擾竟何成自愛溪居隱姓名遠鴈臨空翻夕照
殘雲帶雨過春城花枝入戶猶含潤泉水侵堦乍有聲
虛度年華不相見離鄉懷土併關情

朔旦冬至攝職南郊

權德輿

大明南至應天正朔旦圓丘樂九成文軌盡同堯曆象

齋祠忝備漢公卿星辰列位祥光滿金石交音曉奏清
更有觀臺稱賀處黃雲捧日瑞昇平

和楊師暉給事傷小姬英英

劉禹錫

見學胡琴見藝成今朝追想幾傷情
撚絃花下呈新曲放撥燈前謝改名
但是好花皆易落從來尤物不長生
鸞臺夜直衾冷雲雨無因入禁城

和僕射牛相公春日閒坐見懷

官曹崇重難頻入第宅清閒且獨行
階蟻相逢如偶語園蜂速去恐違程
人于紅藥惟看色鶯到垂楊不惜聲
東雒池臺怨拋擲移文非久會應成

玉堂才調東

庚

東贈酬朗州崔員外與任十四兄侍御同過鄙人舊居
聞華並見懷之什時守吳郡

昔日居鄰招屈亭楓林橘樹鷓鴣聲
一辭御苑青門去十見蠻江白芷生
自此曾沾宣室召如今又守闔閭城
何人萬里能相憶詞舍仙郎與外兄

和樂天南園試小樂

閒步南園烟雨晴遙聞絲竹出牆聲
欲拋丹筆三川去先教清商一部成
花木手栽偏有興歌詞自作別生情
多才遇景皆能詠當日人傳滿鳳城

和樂天洛下醉吟寄太原冷狐相公兼見懷長句

舊相臨戎非稱意詞人作尹本多情從容自使邊塵靜
談笑不聞桴鼓聲章句新添塞下曲風流舊占洛陽城
昨來亦有吳趨詠惟寄東都與北京

酬令狐相公見寄

才兼文武播雄名遺愛芳塵滿洛城身在行臺爲僕射

書來丹里訪先生閒遊占得嵩山色醉臥高聽洛水聲
千里相思難命駕七言詩裏寄深情

酬樂天衫酒見寄

酒法衆傳吳米好舞衣偏尚越羅輕動搖浮蟻香濃甚
裝束輕鴻意態生聞曲定知能自適舉杯應歎不同傾

玉堂才調集

庚吉

終朝相憶終年別對景臨風無限情

酬樂天齋滿日裴令公置宴席上戲贈

一月道場齋戒滿今朝華幄管絃迎銜杯本自多狂態

事佛無妨有佞名酒力半酣愁已散文鋒未鈍老猶爭
平陽不獨容賓醉聽取喧呼吏舍聲

兼寄楊八拾遺

時出爲國子主簿分司東都之十
八員外亦轉國子博士同在洛陽

聞君前日獨庭爭漢帝偏知白馬生忽領簿書遊太學

寧勞侍從厭承明洛陽本自宜才子海內而今有直聲

爲謝同僚老博士范雲來歲卽公卿

賀張十八秘書得裴司空馬詩寄容韓

司空遠寄養初成毛色桃花眼鏡明落日已曾交響語
春風遙擬並鞍行長令奴僕知饑渴須着賢良待性情
旦夕公歸伸拜謝免勞騎去逐雙旌

戲題牡丹

辛白同開俱隱約何須相倚鬪輕盈臨晨併作新粧面
對客偏含不語情雙燕無機還拂掠遊蜂多思正經營
長年是事皆拋盡今日欄邊暫眼明

衡陽與夢得分路贈別

十年憔悴到秦京誰料翻爲嶺外行伏波故道風烟在
翁仲遺墟草樹平直以疎慵招物議休將文字占時名

玉堂才調集

庚
齒

今朝不用臨河別垂淚千行便濯纓
十年和侯大夫秋原山觀征人回

兩河戰罷萬方清原上軍回識舊營立馬望雲秋塞靜

射鵬臨水晚天晴戍間部伍分岐路地遠家鄉寄旆旌

聖代止戈資廟略諸侯不復更長征

觀打毬有作

親掃毬場如砥平龍驤驟馬曉光晴入門百拜瞻雄勢
動地三軍唱好聲玉勒回時露赤汗花鬣分處拂紅纓
欲令四海氛烟靜杖底纖塵不敢生

送從弟刪東歸

送從弟刪東歸

雲水東南兩月程
倉歸慶節馬蹄輕
春橋欲臨

野路閒吟觸雨行
詩價已高猶失意
禮司曾嘗會成名

舊山風月知應少
莫過秋時不到京

東風謝表司空寄馬

驟耳新駒駿得名
司空遠自寄書生
乍離華廐移蹄澁

初到貧家舉眼驚
每被閒人來借問
多尋古寺獨騎行

長思歲旦沙堤土
得從鳴珂傍火城

與兵送吳鍊師歸玉屋

王陽峯下學長生
洞府仙鄉已有名
獨戴熊鬚冠暫出

惟將鶴尾扇同行
煉成雲母休炊爨
名得雷公當吏兵

玉堂才調集 庚

却到瑤壇上頭宿
應聞空裏步虛聲

王選寄陸渾趙明府

與君學省同官處
常日相隨說道情
新作陸渾山縣長

早知三禮甲科名
郭中時有仙入住
城內應多藥草生

公事稀疎來客少
無妨着屐獨閒行

魏王喜臣起侍郎
放牒意自寄書生

東風節氣近清明
車馬爭來滿禁城
二十八人初上牒

百千萬里盡傳名
誰家不借花園看
在處多將酒器行

共賀春司能鑒識
今年定合有公卿

莫水送楊少尹赴浦城

官爲本府當身榮因得還鄉任野情自廢田園今作宅
每逢耆老不呼名舊遊寺裏僧應識新別橋邊樹已成
公事况閒詩更好將誰相逐上山行水寒來亦以驚
亦同太白老人蘇詩贈水壺只須清韻謝回詩非日事
日觀東峯陞客任竹巾藤帶亦逢迎暗修黃籙無人見
溪種胡麻共夫行洞裏仙家常獨在壺中靈藥自爲名
春泉四面繞茆屋日月推開杵臼聲委曲承恩掌內具
尚平贈梅處士詩我與蘇益不平良貴早登謝出微

玉堂才調集

庚

天子如今議封禪應將束帛請先生安向十題詩裏言
早問贈趙將軍詩魚白玉爐文淵詩滿是自拾謙詩美
當年膽畧已縱橫每見妖星氣不平身貴早登龍尼道
功高自破鹿頭城尋常得對論邊事委曲承恩掌內兵
會取安西將報國凌烟閣注大書名壺中靈藥自爲名
且贈王侍御詩中蘇詩衣蘇詩韻蘇詩黃蘇詩無人見
心同野鶴與塵遠詩似水壺見底清府縣同趨非日事
升沉不改故人情止陽春晚蕭蕭雨洛水寒來夜夜聲
自歎獨爲折腰吏可憐驄馬路傍行蘇詩蘇詩蘇詩已
過襄陽樓呈嚴司空蘇詩蘇詩蘇詩蘇詩蘇詩

襄陽樓下樹陰成荷葉如錢水而平拂水柳花千
隔林鶯舌兩三聲有時水畔看雲立每日樓前信馬行
早晚暫教王粲上庾公應待月分明

友封體

黔府寶章
字友封

雨送浮涼夏簟清小樓腰褊怕單輕微風暗度香囊轉
臘月斜穿隔子明樺燭焰高黃耳吹柳堤風靜紫騮聲
頻頻聞動中門鎖桃葉知嗔未敢迎

酬贈李鍊師見招

白居易

幾年司諫直承明今日求真禮上清曾犯龍鱗容不死
欲騎鶴背覓長生劉綱有婦仙同得伯道無兒累更輕
玉堂才調集

庚
十七

若許移家相近住便驅雞犬上層城

湖上招客送春泛舟

欲送殘春招酒伴客中誰最有風情兩餅簪下新開得
一曲霓裳初教成
時崔湖州寄新簪下酒來
樂妓按霓裳羽衣曲初畢排比管絃
行翠袖指麾船舫點紅旌慢牽好向湖心去恰似菱花

鏡上行

答微之詠懷見寄

閣中同直前春事船裏相逢昨日情分袂二年勞夢寐
並牀三宿話平生紫薇北畔辭宮闕滄海西頭對郡城
聚散窮通何足道醉來一曲放歌行

歲日家宴戲示弟姪等兼呈張侍御二十八丈殿
判官二十三兄

弟妹妻孥小姪甥嬌癡弄我助歡情歲盡後推藍尾酒
春盤先勸膠牙餠形骸潦倒雖堪歎骨肉團圓亦可榮
猶有誇張少年處笑呼張丈喚殷兄

晚起

臥聽寥寥衙鼓聲起遲睡足長心情華簪脫後頭雖白
堆案拋來眼校明閒上籃輿乘興出醉回花舫信風行
明朝更濯塵纓去聞道松江水最清

代琵琶弟子謝女師曹供奉寄新調弄譜

玉堂才調集

庚
六

琵琶師在九重城忽得書來喜且驚一紙展看非舊譜
四絃翻出是新聲
粧賓散水 抑嬌多怨散水玲瓏峭仄清
杏新調名 珠顆淚沾金捍撥紅粧弟子不勝情

送唐州崔使君侍親赴任

連持使節歷專城獨賀崔侯最慶榮烏府一拋霜簡去
朱輪四綵板輿行
崔郎中從殿中連典四郡皆侍親赴任 發時正許沙鷗

送到日方乘竹馬迎推慮郡齋賓友少數盃春酒共誰

續

和敏中洛下卽事
時敏中爲殿中分司

昨日池塘春草生阿連新有好詩成花園到處鶯呼

驄馬遊時客避行水煖魚多似南國人稀塵少勝西京
洛中佳境應無限若欲諳知問老兄

奉送三兄

少年曾管二千兵畫聽笙歌夜祈營自反丘園頭盡白
每逢旗鼓眼猶明杭州暮醉連牀卧吳郡春遊並馬行
自愧阿連官職慢只教兄作使君兄

寒食江畔

草香沙煖水雲晴風景令人憶帝京還似往年春氣味
不宜今日病心聞鶯樹下沉吟立信馬江頭取次行
忽見紫桐花帳望下邳明日是清明

玉堂才調集

庚九

南湖早春

風廻雲斷雨初晴返照湖邊暖復明亂點碎紅山杏發
平鋪新綠水蘋生翅低白鷗飛仍重舌澁黃鸝語未成
不道江南春不好年年衰病減心情

南園試小樂

小園斑駁花初發新樂錚鏦教欲成紅萼紫房皆手植
蒼頭碧童盡家生高調管色吹銀字慢拽歌詞唱渭城
不飲一杯聽長曲將何去慰老心情

贈楊秘書巨源

早聞一箭取遼城紀事云巨源以三刀夢益州一箭相
取聊城得名故樂天詩云云也

識雖新有故情清句三朝誰是敵白鬚四海半爲兒貧
家雜草時時入瘦馬尋花處處行不用更教詩過好折
君官職是聲名

送客之湖南

年年漸見南方物事事堪傷北客情山鬼趨跳惟一足
峽猿哀怨過三聲帆開青草湖中去衣濕黃梅雨裏行
別後雙魚難定寄近來潮不到湓城

陝府王大夫相迎偶贈

紫微閣老自多情白首園公豈要迎伴我綠槐陰下歇
向君紅旆影前行綸巾髮少渾欵側監輿肩齊甚穩平

玉堂才調集

庚

但問主人留幾日分司賓客去無程

春來

春來觸動故鄉情忽見風光憶兩京金谷蹋花香騎入
曲江碾草銅車行誰家綠酒歡連夜何處紅樓睡失明
猶有不眠不醉客經春冷坐古湓城

皇甫郎中親家翁赴任絳州宴送出城贈別

慕賢入室交先定結綬通家好復成新婦不嫌貧活計
嬌孫同慰老心情洛橋歌酒今朝散絳路風烟幾日行
欲識離羣相戀意爲君扶病出都城

早興

晨光出照屋梁明初打開門鼓一聲犬上階眠知地濕
烏臨窗語報天晴半消宿酒頭仍重新脫冬衣體乍輕
睡覺心空思想盡起來鄉夢不多成

早發

李紳

沙洲月落宿禽驚湖起風微曉霧生黃鶴浪明知上信
黑龍山暗避前程火旗似辨吳門戍水驛遙迷楚塞城
蕭索更看江葉下兩鄉俱是宦遊情

真娘墓

一株繁艷春城盡雙樹慈門忍草生愁態自隨風燭滅
愛心難逐雨花輕黛消波月空蟾影歌息梁塵有梵聲

玉堂才調集

庚子

還似錢塘蘇小小祇應回首是卿卿

初出淝口入淮

東風百里雪初晴淝口水開好濯纓野老擁途知意重
病夫拋郡喜身輕人心莫厭如弦直淮水長憐似鏡清
回首夕嵐山翠遠楚郊烟樹隱襄城

別石泉

在惠山寺松竹之下甘爽乃人閒靈液清澄鑿
肌骨含漱開神慮茶得此水皆盡芳味

素沙見底空無色青石潛流暗有聲微度竹風涵淅瀝
細浮松月透輕明桂凝秋露添靈液茗拆香芽泛玉英

應是梵宮連洞府浴池今化醒泉清

北樓櫻桃花

開花占得春光早雪綴雲裝萬萼輕凝艷折時初照日
落英頻處乍聞鶯舞空柔弱看無力帶月葱籠似有情
多事東風入閨闈盡飄芳思委江城

送客往鄜州

楊凝

新參將略事西平錦帶臂弓結束輕曉上關城吟夜角
暗驅羗馬發支兵回中地遠風常急鄜嗚年多草自生
近喜扶陽係戎相從來衛霍笑長纓

上邠寧邢司徒

賈島

玉堂才調集

庚

箭頭破栝

一作帖

渾無敵杖底敲毬遠有聲馬走千蹄朝

萬乘地分三郡擁雙旌春風欲盡山花發曉角初吹客
夢驚不是邢公來鎮此長安西北未能行

酬慈恩寺文郁上人

袈裟影入禁池清猶憶鄉山近赤城籬落罅間寒蟹過
莓苔石上晚蛩行期登野閣閒應甚阻宿山房疾未平
開說又尋南岳去無端詩思忽然生

揚州法雲寺雙檜

張祐

謝家雙植本圖榮樹老人因地變更朱頂鶴知溪蓋偃
白眉僧見小枝生高臨月殿秋雲影靜入風簷夜雨聲

縱使百年爲上壽綠陰終借暫時行

送文著上人遊越

水石隨緣豈計程東吳相遇別西京
夜禪月下袈裟濕曉上山巔錫杖鳴
念我爲官應易老美師依佛學無生
越中多有前朝寺處處鐵鐘石磬聲

送獨孤癡評事赴豐州

東門携酒送廷評結東從軍塞上行
溪磧路移惟馬覺斷蓬風起與鵬平
烟生遠戍侵雲色水疊黃河長雪聲
須鑿燕然山上石登科記裏是閒名

題崔駙馬宅

玉堂才調集

庚重

心在林泉身在城鳳凰樓下得閒名
洞中見鑿尋仙吹月裏猶燒煑藥鑪
數樹異花皆勅賜並竿修竹自天生
詩人多說離君宅不得青苔地上行

成名後留別從兄

一辭山舍廢躬耕無事悠悠住帝城
爲客衣裳多不穩和人詩句固難精
幾年秋賦惟知病昨日春闈偶有名
却出關東悲復喜歸尋弟妹別仁兄

親仁里居

三年賃舍親仁里寂寞何曾似在城
飲酒自緣防冷病尋人多是爲閒行
軒車無路通門巷覩故因詩道姓名

自別青山歸未得美君長聽石泉聲

贈王僕射起

周鼎

文場三化魯儒生二十餘年振重名曾忝木鷄夸羽翬
又陪金馬入蓬瀛雖欣月桂居先折更美春蘭最後榮
欲到龍門看風雨關防不許暫離營

西入晚秋江館寄姚郎中

賀

病寄曲江居帶城傍門孤柳一蟬鳴澄江月上見魚擲
荒徑葉乾聞犬行越島夜無侵閣色寺鐘涼有隔原聲
故園盡賣休官去潮水秋來空自平

送石協律歸吳

玉堂才調集

庚

僧窗夢後憶歸耕水涉應多半月程幕府罷來無樂價
紗巾戴去有山情夜隨淨渚離蛩語早過寒潮背井行
已讓辟書稱抱疾滄洲便許白髭生

題開元寺

朱慶餘

西入山門十里程粉牆書字甚分明蕭帝壞陵深虎跡
廣師遺院閉松聲長廊畫剝僧形影石壁塵昏客姓名
何必更將空色遣眼前人事是浮生

送元處士遊天台

送元處士遊天台

青冥路口絕人行獨與僧期上赤城樹列烟嵐春更好
溪藏水雪夜偏明空山雉去禾苗短野館風來竹氣清

若過石橋看瀑布不妨高處便題名

二月二日

李商隱

二月二日江上行東風日暖聞吹笙花鬢柳眼各無賴

紫蝶黃蜂俱有情萬里憶歸元亮井三年從事亞夫營

新灘一作春莫悟一作謝遊人意更作風簷雨夜聲

和馬郎中移白菊見示

陶詩只采黃金實郢曲新傳白雪英素色不同籬下發

繁花疑自月中生浮杯小摘開雲母謝靈運永嘉記百卉正發時勝以小

摘供帶露全移綴水晶偏稱含香五字客從茲得地始

芳榮

玉堂才調集

庚

銀河吹笙

悵望銀河吹玉笙樓寒院冷接平明重衾幽夢他年斷

別樹羈雌昨夜驚月榭故香因雨發風簾殘燭隔霜清

不須浪作緱山意湘瑟秦簫自有情

偶題

溫庭筠

微風和暖日鮮明草色迷人向渭城吳客捲簾閒不語

楚娥攀樹獨含情紅垂果蒂櫻桃重黃染花叢蝶粉輕

自恨青樓無近信不將心事許卿卿

寄崔先生

往年江海別元卿家近山陽古郡城蓮浦香中離席散

柳堤風裏釣船橫。星霜荏苒無音信。烟水微茫。變姓名。
孤黍正肥魚正美。五侯門下負平生。

經故秘書崔監揚州舊居

昔年曾識范安成。松竹風姿鶴性情。西掖曙河橫漏響。
北山秋月照江聲。乘舟覓吏經輿縣。爲酒求官得步兵。
千頃水流通故壑。至今留得謝公名。

秋日旅舍寄義山李侍御

一水悠悠隔渭城。渭城風物近寒蛩。下響催機杼。
旅鴈初來憶弟兄。自爲不關砧杵報秋聲。
子虛何處堪消渴。卿

王堂才調集

湖南正初招李郢秀才

杜牧

庚

行樂及時時已晚。對酒當歌歌不成。千里暮山重疊翠。
一溪寒水淺深清。高人以飲爲忙事。浮世除詩盡強名。
看着白蘋芽欲吐。雪舟相訪勝閒行。

題甘露寺北軒

會上蓬萊宮裏行。北軒欄檻最留情。孤高堪弄桓伊笛。
縹緲宜聞子晉笙。天接海門秋水色。烟籠隋苑暮鐘聲。
他年會著荷衣去。不向山僧道姓名。

冬至日遇京使發寄舍弟

遠信初逢雙鯉去。他鄉正遇一陽生。樽前豈解愁家國。

輦下惟能憶弟兄
旅館夜憂姜被冷
暮江寒覺晏裘輕
竹門風過還惆悵
疑是松窗雪打聲

八月十二日得替後移居雪溪館因題長句四韻
萬家相慶喜秋成
處處樓臺歌板聲
千歲鶴歸猶有恨
一年人住豈無情
夜涼溪館留僧話
風定蘇潭看月生
景物登臨開始見
願爲閒客此閒行

贈寫御容李長史

李遠

玉座塵銷硯水清
龍髯不動綵毫輕
初分隆準山河秀
乍點重瞳日月明
宮女卷簾皆暗認
侍臣開殿盡遙驚
三朝供奉無人敵
始覺僧繇浪得名

土堂才調集

庚

哭虞將軍

許渾

白首從君未有名
近將孤劍到江城
巴童戍久能番語
馬調多解漢行
對雪夜窮黃石畧
望雲秋討黑山程
可憐身死家猶遠
汴水東流無哭聲

乘月棹舟送大曆寺靈聰上人不及

萬峯秋盡百泉清
舊鎖禪扉在赤城
楓浦客來烟未散
竹窗僧去月猶明
杯浮野渡魚龍遠
錫響空山虎豹驚
一字不留何足訝
白雲無路水無情

南陽道中

月斜孤館傍村行
野店高低帶古城
籬上曉花齋後落

井邊秋葉社前生，饑鳥索哺隨雞叫。乳犉慵歸望犢喧，
荒草連天風動地。不知誰學武侯耕。

早秋韶陽夜雨

宋玉含悽夢亦驚，芙蓉山響一猿聲。陰雲迎一作疑雨，
先潤夜電引雷窗。暫明暗惜水花飄，廣檻遠愁風幕一。
高城西歸萬里未，千里應到故園春草生。

將歸姑蘇南樓餞送李明府

無處登臨不繫情，一憑春酒醉高城。暫移羅綺見山，
纔任管絃聞水聲。花落西亭添別夢，柳陰南浦促歸。
前期迢遞今宵短，更倚朱欄待月明。

玉堂才調集

齊安早秋

趙嘏

流年堪惜又堪驚，砧杵風來滿郡城。高鳥過時秋色動，
征帆落處暮雲平。思家正美江南景，聽角仍含塞北情。
此日沾襟念岐路，不知何處是前程。

李侍御歸山同宿華嚴寺

家有青山近玉京，風流柱史早知名。園林手植自含綠，
霄漢眼看當去程。處處白雲迷駐馬，家家紅樹近流鶯。
相逢一宿最高寺，夜夜翠微泉落聲。

山陽盧明府以雙鶴寄遺伯氏詩爲答因寄

緜山雙去羽輪輕，應爲仙家好弟兄。茅固枕前秋對

陸雲溪上夜齊鳴紫泥封處曾回首碧落歸時莫問程
自笑滄江一漁叟何由似爾到層城

醉中看花因思去歲之任

薛逢

去歲乘輅出上京軍機旦暮促前程狂花野草途中恨
春月秋風劍外情愁見瘴烟遮路色厭聞溪水下灘聲
不辭醉伴諸年少羞對紅粧白髮生

東城值雨

劉威

四月鸞輿出鳳城此時遊子動歸程蓬萊一水通雲氣
閭闔千門度雨聲書卷喜從船尾載酒杯愁就馬頭傾
長年三老歡相語沙際河流一夜生

玉堂才調集

題廬山寺

馬戴

白茆爲屋宇編荆數處堦墀石疊成東谷笑言西谷響
下方雲雨上方晴鼠驚樵客緣蒼壁猿戲山頭撼紫檉
別有一條投澗水竹筒斜引入茶鐺

相國隴西公南征能以留務獨宿府城作

薛能

吾君賢相事南征獨宿軍廚負請纓燈室臥孤如怨別
月階籜草似臨行高墉撼鐸思巴棧老木嗥風念野營
殊憶好僧招不及夜來倉卒鎖嚴城

寓居寄友人

劉滄

雨餘虛館竹... 清獨坐書窗軫旅情芳草衡門無馬跡
古槐淡巷有... 聲夕陽雲盡嵩峯出遠岸烟消洛水平
人夜南原賞佳景月高風定苦吟生

登龍門敬善寺閣

獨步危梯入杳冥天風瀟灑拂簷楹禹門烟樹正春色
少室雲屏向晚晴花落院深清禁閉水分川澗綠蕪平
鎖窗朱檻同仙界半夜緜山有鶴聲

題吳官苑

吳苑荒涼故國名吳山月上照江城殘春碧樹自留影
半夜子規何處聲蘆葉長侵洲渚暗蘋花開盡水烟平
玉堂才調集
經過此地千年恨荏苒東風露色清

下第東歸途中書事

峽路誰知倦此情往來多是半年程孤吟洛苑逢春盡
幾向秦城見月明高柳斷烟侵獄影古堤斜日背灘聲
東歸海上有餘業牢落田園荒草平

雨後遊南門寺

郭南山寺雨初晴上界尋僧竹裏行半壁樓臺秋月過
一川烟水夕陽平苔封石室雲含澗露滴松枝鶴有聲
木葉蕭蕭動歸思西風畫角漢東城

